

南齊書

卷十四  
之十九


涵芬樓  
影印

Inches 1 2 3 4 5 6 7 8  
Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIFFEN® Color Control Patches

© The Tiffen Company, 2007



南漢書卷十四

光

蕭

子

顯

真

卷六

蕭

蕭


北徐

越

海州

大志

鎮江



晉州


史

鎮江

北竟

交





南齊書卷十四

梁

蕭

子

顯

撰

志第六

州郡上

揚

南徐

豫

南豫

南兗

北兗

北徐

青

冀

江

廣

交

越

揚州京輦神臯漢魏刺史鎮壽春吳置持節督州牧八  
人不見揚州都督所治晉太康元年吳平刺史周浚始  
鎮江南元帝為都督渡江左遂成帝畿望實隆重領郡

如左

丹陽郡

建康

秣陵

丹陽

溧陽

永世

湖熟

江寧

句容

會稽郡

山陰

永興

上虞

餘姚

諸暨

剡

鄞

始寧

句章

鄞

吳郡

吳

婁

海虞

嘉興

海鹽

錢唐

富陽

鹽官

新城

建德

壽昌

桐廬

吳興郡

烏程

武康

餘杭

東遷

長城

於潛

臨安

故鄣

安吉

原鄉

東陽郡

長山

太末

烏傷

永康

信安

吳寧

豐安

定陽

遂昌

新安郡

始新

黟

遂安

歙

海寧

臨海郡

章安

臨海

寧海

始豐

樂安

乾隆四年校刊

南齊書卷十四

州郡志

七

永嘉郡

永寧 安固 松陽 橫陽 樂成

南徐州鎮京口吳置幽州牧屯兵在焉丹徒水道入通  
吳會孫權初鎮之爾雅曰絕高為京今京城因山為壘  
望海臨江緣江為境似河內郡內鎮優重宋氏以來桑  
梓帝宅江左流寓多出膏腴領郡如左

南東海郡

郟 祝其 襄賁 利成 西隰 丹徒

武進

晉陵郡

晉陵 無錫 延陵 曲阿 暨陽 南沙

海陽

義興郡

永明二年割屬揚州後復舊

陽羨 臨津 國山 義鄉 綏安

南琅邪郡

本治金城永明徙治白下

臨沂 江乘 蘭陵 承 建武三年省 譙 建元二年平陽郡流民在

臨江郡者立宣祚縣尋改為譙永明元年省懷化一縣并屬

臨淮郡

自此以下郡無實土

海西 射陽 凌 淮陰 東陽 淮浦 建武二年省

淮陵郡

乾隆四年校刊

南齊書卷十四

郡縣志

三

司吾 武陽建武三年省 泰山郡屬 甄城 陽樂 徐建武三年省

南東莞郡

東莞 莒 姑幕建武三年省

南清河郡南徐州領冀州

東武城 清河 貝丘 繹幕建武二年省

南彭城郡

彭城 武原 傅陽 蕃 薛 開陽

浚 僮 下邳建武三年省 呂建武四年省 杼秋建武四年省

北陵建武四年省

南高平郡宋太始五年僑置初寄治淮陰復徙淮南當塗二縣僑屬南豫後屬南徐

金鄉 高平

南濟陰郡

城武 單父 城陽建武三年省

南濮陽郡

廩丘 東燕 會 鄆城建武三年省 濟陽郡度屬 榆次建武

二年省

南魯郡建武二年省

魯 樊 西安建武二年省

南平昌郡建武三年省

安丘東莞郡省屬

乾隆四年校刊

南泰山郡

建武三年省

南城

郡省度屬平昌尋又省

廣平

南濟陽郡

建武三年省

考城

郡省度屬魯尋又省

豫州晉元帝永昌元年刺史祖約避胡賊自譙還治壽春壽春淮南一都之會地方千餘里有陂田之饒漢魏以來揚州刺史所治北拒淮水禹貢云淮海惟揚州也咸和四年祖約以城降胡復以庾亮為刺史治蕪湖蕪湖浦水南入亦為險奧劉備謂孫權曰江東先有建業次有蕪湖庾亮經畧中原以毛寶為刺史治邾城為胡

所覆荊州刺史庾翼領州在武昌諸郡失土荒民數千無佃業翼表移西陽新蔡二郡荒民就陂田於尋陽穆帝永和五年胡偽揚州刺史王浹以壽春降而刺史或治歷陽進馬頭及譙不復歸舊鎮也哀帝隆和元年袁真還壽春真為桓溫所滅溫以子熙為刺史戍歷陽孝武寧康元年桓沖移姑熟以邊寇未靜分割譙梁二郡見民置之浣川立為南譙梁郡十二年桓石虔還歷陽庾准為刺史表省諸權置皆還如本義熙二年劉毅復鎮姑熟上表曰忝任此州地不為曠西界荒餘密邇寇虜北垂蕭條土氣疆獷民不識義唯戰是習逋逃不逞

不謀日會比年以來無月不戰實非空乏所能獨撫請  
輔國將軍張暢領淮南安豐梁國三郡時豫州邊荒至  
乃如此十二年劉義慶鎮壽春後常為州治撫接遐荒  
扞禦疆場領郡如左

南汝陰郡 建元二年罷南陳左郡二縣并

慎 汝陰 宋 安陽 和城 南頓

陽夏 宋丘 永元元年地志無 樊 永元元年志無 鄭 永元元年志無 東宋 永元元年志無

南陳左縣 永元元年志無 邊水 永元元年志無

晉熙郡

新治 陰安 懷寧 南樓煩 齊典

太湖左縣 南齊志無

潁川郡

臨潁 邵陵 南許昌 永元元年志無 曲陽

汝陽郡

武津 汝陽

梁郡 永元元年地志南梁郡領睢陽新汲陳蒙崇義五縣

北譙 梁 蒙 城父 永元元年志屬南譙

北陳郡

陽夏 西華 萇平 項

陳留郡

乾隆四年校刊

南齊書卷十四 州郡志

六

浚儀 小黃 雍丘

南頓郡 永元元年地志無

和城 南頓

西南頓郡 寄治州永元元年地志無

西南頓 和城 譙

平鄉

北梁郡 永元元年地志無

北蒙 北陳

西汝陰郡

樓煩 汝陰 宋 陳 永元志無 平豫 永元志無 固始 永元

志無 新蔡 永元志無 汝南 永元志無 安城

北譙郡

寧陵 譙 蘄 永元志屬南譙

汝南郡 永元元年地志無

瞿陽 安城 上蔡

北新蔡郡

銅陽 新蔡 固始 苞信

弋陽郡

期思 南新息 弋陽 上蔡 平輿

陳郡

南陳 萇平 永元志無 項 永元志無 西華 永元志無 陽夏 永元志無

乾隆四年校刊

南齊書卷十四

七

安豐郡

雩婁 新化 史水 扶陽 開化 邊城

松滋 永元志屬北新蔡 安豐

光城左郡

樂安 光城 茹田

邊城郡 永元元年地志無

建寧郡

陽城 建寧

齊昌郡

陽塘 保城 齊昌 永興

右三郡永明四年割郢州屬

南豫州晉寧康元年豫州刺史桓冲始鎮姑孰後遷徙見晉書宋永初二年分淮東為南豫州治歷陽而淮西為豫州元嘉七年省并大明元年復置治姑孰泰始二年治歷陽三年治宣城五年省淮西沒虜七年復分淮東置南豫建元二年太祖以西豫吏民寡刻分置兩州損費甚多省南豫左僕射王儉啓愚意政以江西連接汝潁土曠民希匈奴越逸唯以壽春為阻若使州任得才虜動要有聲聞豫設防禦此則不俟南豫假令或慮一失醜羯之來聲不先聞胡馬倏至壽陽嬰城固守不

乾隆四年校刊

南齊書卷十四

州郡志

能斷其路朝廷遣軍歷陽已當不得先機戎車初戒每  
事草創孰與方鎮常居軍府素正臨時配助所益實少  
安不忘危古之善政所以江左屢分南豫意亦可求如  
聞西豫力役尙復粗可今得南譙等郡民戶益薄於其  
實益復何足云太祖不從永明二年割揚州宣城淮南  
豫州歷陽譙廬江臨江六郡復置南豫州四年冠軍長  
史沈憲啓二豫分置以桑墾子亭爲斷潁川汝陽在南  
譙歷陽界內悉屬西豫廬江居晉熙汝陰之中屬南豫  
求以潁川汝陽屬南豫廬江還西豫七年南豫州別駕  
殷瀾稱潁川汝陽荒殘來久流民分散在譙歷二境多

蒙復除獲有郡名租輸益微府州絕無將吏空受名領  
終無實益但寄治譙歷於方斷之宜實應屬南豫二豫  
亟經分置廬江屬南豫濱帶長江與南譙接境民黎租  
帛從流送州實爲便利遠踰西豫非其所願郡領濶舒  
及始新左縣村竹產府州採伐爲益不少府州新創異  
於舊藩資役多闕實希得廬江請依昔分置尙書參議  
往年慮邊塵須實故啓廻換今淮泗無虞宜許所牒詔  
可領郡如左

### 淮南郡

于湖

永明八年省甬城  
高平下邳三縣并

繁昌

當塗

浚道

定陵 襄垣

宣城郡

廣德 懷安 宛陵 廣陽 石城 臨城

寧國 宣城 建元 涇 安吳

歷陽郡

歷陽 龍亢 雍丘

南譙郡

山桑 蕲 北許昌 永元志無 扶陽 曲陽 嘉平

廬江郡

舒 建元二年為郡治 濞 始新 和城 永元志無 西華 永元志無

呂亭左縣

建元二年割晉熙屬 譙 建元二年割南譙屬

臨江郡

建元二年罷并歷陽後復置

烏江 懷德 鄴

南兖州鎮廣陵漢故王國有江都浦水魏文帝伐吳出

此見江濤盛壯歎云天所以限南北也晉元帝過江建

興四年揚聲北討遣宣城公裒督徐兖二州鎮廣陵其

後或還江南然立鎮自此始也時百姓遭難流移此境

流民多庇大姓以為客元帝太興四年詔以流民失籍

使條名上有司為給客制度而江北荒殘不可檢實明

帝太寧三年郗鑒為兖州鎮廣陵後還京口是後兖州

乾隆四年校刊

南齊書卷十四

州郡志

十一

或治盱眙或治山陽桓玄以桓弘爲青州鎮廣陵義熙二年諸葛長民爲青州徙山陽時鮮卑接境長民表云此蕃十載豐故相襲城池崩毀荒蕪散伏邊疆諸戍不聞雞犬且犬羊侵暴抄掠滋甚乃還鎮京口晉末以廣陵控接三齊故青兗同鎮宋永初元年罷青并兗三年檀道濟始爲南兗州廣陵因此爲州鎮土甚平曠刺史每以秋月多出海陵觀濤與京口對岸江之壯闊處也永明元年刺史柳世隆奏尙書符下土斷條格并省僑郡縣凡諸流寓本無定憇十家五落各自星處一縣之民散在州境西至淮畔東屆海隅今專罷僑邦不省荒

邑雜居舛止與先不異離爲區斷無革游濫謂應同省隨堺并帖若鄉屯里聚二三百家并甸可脩區域易分者別詳立於是濟陰郡六縣下邳郡四縣淮陽郡三縣東莞郡四縣以散居無實土官長無解舍寄止民村及州治立見省民戶帖屬領郡如左

廣陵郡

建元四年罷北淮陽北下邳北濟陰東莞四郡并

海陵

廣陵

高郵

江都

齊寧

永明元年置

海陵郡

建陵

寧海

如臯

臨江

蒲濤

臨澤

齊昌

永明元年置

海安

永明五年罷新郡并此縣度屬

乾隆四年校刊

有齊書卷十四

州郡志

七

山陽郡

東城 山陽 鹽城 左鄉

盱眙郡

考城 盱眙 陽城 直瀆 長樂

南沛郡

沛 蕭 相

北兗州鎮淮陰地理志云淮陰縣屬臨淮郡郡國志屬下邳國晉大康地記屬廣陵郡穆帝永和中北中郎將荀羨北討鮮卑云淮陰舊鎮地形都要水陸交通易以觀豐沃野有開殖之利方舟運漕無他屯阻乃營立城

池宋泰始二年失淮北於此立州鎮建元四年移鎮盱眙仍領盱眙郡舊北對清泗臨淮守險有平陽石鰲田稻豐饒所領唯平陽一郡永明七年光祿大夫呂安國啓稱北兗州民戴尙伯六十人訴舊壤幽隔飄寓失所今雖創置淮陰而陽平一郡州無實土寄山陽境內竊見司徐青三州悉皆新立竝有實郡東平既是望邦衣冠所係希於山陽盱眙二界間割小戶置此郡始招集荒落使本壤族姓有所歸依臣尋東平郡既是此州本領臣賤族桑梓願立此邦見許領郡如左

陽平郡

寄治山陽

乾隆四年校刊

南齊書卷十四

州郡志

七

泰清 永陽 安宜 豐國

東平郡

壽張

割山陽官瀆以西三百戶置

淮陰

割直瀆破釜以東淮陰鎮下流雜一百戶置

高平郡

濟北郡

泰山郡

新平郡

魯郡

右荒

北徐州鎮鍾離漢志鍾離縣屬九江郡晉太康二年起

居注置淮南鍾離未詳此前所省令晉地記屬淮南郡

宋泰始末年屬南兗元徽元年置州割為州治防鎮緣

淮永明元年省北徐譙梁魏陽平彭城五郡領郡如左

鍾離郡

燕縣郡朝歌

虞

永明元年割馬頭屬

零

永明元年割馬頭屬

馬頭郡

已吾

永明元年罷譙郡屬二年刺史戴僧靜又以濟縣并之

濟陰郡

頓丘

永明元年罷定陶并

睢陵

樂平

永明元年割鍾離屬

乾隆四年校刊

南齊書卷十四

州郡志

七

濟安 永明元年割鍾離屬

新昌郡

頓丘 穀熟 尉氏

沛郡

相 蕭 沛

青州宋泰始初淮北沒虜六年始治鬱州上鬱州在海中週迴數百里島出白鹿土有田疇魚鹽之利劉善明為刺史以海中易固不峻城雉乃累石為之高可八九尺後為齊郡治建元初徙齊郡治瓜步以北海治齊郡故治州治如舊流荒之民都縣虛置至於分居土著蓋

無幾焉建元四年移鎮胸山後復舊領郡如左

齊郡 永明元年罷秦郡并之治瓜步

臨淄 永明二年省華城縣并 齊安 永明元年罷 西安 宿豫

尉氏 平虜 昌國 泰 益都

北海郡

都昌 宋鬱縣建元故用漢名也 廣饒 贛榆 膠東 劇

下密 平壽

東莞琅邪二郡 治胸山也

即丘 南東莞 永明元年以流戶置 北東莞

冀州宋元嘉九年分青州置青州領齊濟南樂安高密

乾隆四年校刊

南齊書卷十四 州郡志

十四

平昌北海東萊太原長廣九郡冀州領廣川平原清河  
樂陵魏郡河間頓丘高陽勃海九郡秦始初遇虜寇竝  
荒没今所存者秦始之後更置立也二州共一刺史郡  
縣十無八九但有名存案宋志自知也建元初以東海  
郡屬冀州全領一郡

北東海郡

治連口

襄賁

儻

下邳

厚丘

曲城

江州鎮尋陽中流衿帶晉元康元年惠帝詔荆揚二州  
疆土曠遠有司奏割揚州之豫章鄱陽廬陵臨川南康  
建安晉安爲新州新安東陽宣城舊豫章封內豫章之

東北相去懸遠可如故屬揚州又割荊州之武昌桂陽  
安成并十郡可因江水之名爲江州宜治豫章庾亮領  
刺史都督六州云以荊江爲本校二州戶口雖相去機  
事實覺過半江州實爲根本臨終表江州宜治尋陽以  
州督豫州新蔡西陽二郡治湓城接近東江諸郡往來  
便易其後庾翼又還豫章義熙後還尋陽何無忌表竟  
陵去治遼遠去江陵正三百里荊州所立綏安郡民戶  
參入此境郡治常在夏口左右欲資此郡助江濱戍防  
以竟陵還荊州又司州弘農揚州松滋二郡寄尋陽人  
民雜居宜竝見督今九江在州鎮之北彭蠡在其東也

領郡如左

尋陽郡

柴桑 彭澤

豫章郡

南昌 新淦 艾 建城 建昌 望蔡

新吳 永脩 吳平 康樂 豫章 豐城

臨川郡

南城 臨汝 新建 永城 宜黃 南豐

東興 安浦 西豐

廬陵郡

石陽 西昌 東昌 吉陽 巴丘 興平

高昌 陽豐 遂興

鄱陽郡

鄱陽 餘干 葛陽 樂安 廣晉 上饒

安成郡

平都 新喻 永新 萍鄉 宜陽 廣興

安復

南康郡

贛 雩都 南野 寧都 平固 陂陽

虔化 永明八年罷安遠縣并

南康

乾隆四年校刊

南齊書卷十四 州郡志

七

南新蔡郡

慎 苞信 陽唐左縣 宋平固 劉

建安郡

吳興 建安 將樂 邵武 建陽 綏城

沙村

晉安郡

侯官 羅江 原豐 晉安 溫麻

廣州鎮南海濱際海隅委輸交部雖民戶不多而俚獠猥雜皆樓居山險不肯賓服西南二江川源深遠別置督護專征討之捲握之資富兼十世尉他餘基亦有霸

迹江左以其遼遠蕃戚未有居者唯宋隨王誕為刺史領郡如左

南海郡

番禺 熙安 博羅 增城 龍川 懷化

西平 綏寧 新豐 羅陽 高要 安遠

河源

東官郡

懷安 寶安 海安 欣樂 海豐 齊昌

陸安 興寧

義安郡

綏安 海寧 海陽 義招 潮陽 程鄉  
新寧郡

博林 南興 臨沅 甘泉 新成 威平  
東官單牒 龍潭 城陽 威化 歸順 初興

撫納 平鄉  
蒼梧郡

廣信 寧新 封興 撫寧 遂城 丁留  
懷熙 猛陵 廣寧 蕩康 僑寧 思安

高涼郡  
安寧 羅州 莫陽 西鞏 思平 禽鄉

平定

永平郡  
夫寧 安沂 岷安 盧平 員鄉 蘇平

晉康郡  
通寧 雷鄉 開城 毗平 武林 豐城

威城 都城 夫阮 元溪 安遂 晉化  
永始 端溪 賓江 熙寧 樂城 武定

悅城 文招 義立  
新會郡

盆允 新夷 封平 初賓 封樂 義寧

乾隆四年校刊

南寧書卷十四

七

廣熙郡  
新熙 永昌 始康 招集 始成

龍鄉 羅平 賓化 寧鄉 長化 定昌

永熙 寶寧

宋康郡

廣化 石門 化隆 遂度 威覃 單城

開寧 海鄰 興定 綏定

宋隆郡

平興 招興 崇化 建寧 熙穆 崇德

海昌郡

寧化 招懷 永建 始化 新建

綏建郡

新招 四會 化蒙 化注 化穆

樂昌郡

始昌 樂山 宋元 義立 安樂

鬱林郡

布山 鬱平 阿林 建安 始集 龍平

賓平 新林 綏寧 中胄 領方 懷安

歸化 晉平 威化

桂林郡

武熙 騰溪 潭平 龍岡 臨浦 中留

武豐 程安 威定 潭中 安遠 安化

龍定

寧浦郡

安廣 簡陽 平山 寧浦 興道 吳安

晉興郡

晉興 熙注 桂林 增翊 安廣 廣鬱

晉城 鬱陽

齊樂郡

希平 觀寧 臻安 宋平 綏南 封陵

齊康郡

樂康

齊建郡

初寧 永城

齊熙郡

交州鎮交趾在海漲島中楊雄箴曰交州荒濶水與天際外接南夷寶貨所出山海珍怪莫與為比民恃險遠數好反叛領郡如左

九真郡

移風 胥浦 松原 高安 建初 常樂

乾隆四年校刊

南齊書卷十四

州郡志

津梧 軍安 吉龐 武寧

武平郡 武定 封溪 平道 武興 根寧 南移

新昌郡

范信 嘉寧 封山 西道 臨西 吳定

新道 晉化

九德郡

九德 咸驩 浦陽 南陵 都浚 越常

西安

日南郡

西卷 象林 壽冷 朱吾 比景 盧容

無勞

交阯郡

龍編 武寧 望海 句漏 吳興 西于

朱鷲 南定 曲陽 海平 羸樓

宋平郡

昌國 義懷 綏寧

宋壽郡

建元二年 割越州屬

義昌郡

永元二年 改沃屯置

越州鎮臨漳郡本合浦北界也夷獠叢居隱伏巖障寇

乾隆四年校刊

百有奇卷之四

三

盜不賓略無編戶宋泰始中西江督護陳伯紹獵北地見二青牛驚走入草使人逐之不得乃誌其處云此地當有奇祥啓立為越州七年始置百梁隴蘇永寧安昌富昌南流六郡割廣交朱鷲三郡屬元徽二年以伯紹為刺史始立州鎮穿山為城門威服俚獠土有瘴氣殺人漢世交州刺史每暑月輒避處高今交土調和越瘴獨甚刺史常事戎馬唯以戰伐為務

臨漳郡

漳平 丹城 勞石 容城 長石 都并

緩端

合浦郡

徐聞 合浦 朱盧 新安 晉始 蕩昌

朱豐 宋豐 宋廣

永寧郡

杜羅 金安 蒙 廖簡 留城

百梁郡

百梁 始昌 宋西

安昌郡

武柔 龍淵 石秋 撫林

南流郡

乾隆四年校刊

南齊書卷十四

州郡志

三

方度

北流郡

永明六年立無屬縣

龍蘇郡

龍蘇

富昌郡

南立

義立

歸明

高興郡

宋和

寧單

高興

威成

夫羅

南安

歸安

陳蓮

高城

新建

思築郡

鹽田郡

杜同

定川郡

典昌

隆川郡

良國

齊寧郡

建元二年置割鬱林之新邑建初二縣并

開城

建元二年置

越中郡

馬門郡

乾隆四年校刊

鍾吳 田羅 馬陵 思寧

封山郡

安金

吳春俚郡

永明六年立無屬縣

齊隆郡

先屬交州中改為關永泰元年改為齊隆還屬關州

南齊書卷十四

南齊書卷十四考證

州郡志上揚州○

臣宗萬

按漢始置揚州治在建康臺

城西亦謂之西州

丹陽郡○

臣宗萬

按丹陽圖云自句容以西屬鄣郡以

東屬會稽郡漢武帝元封二年改鄣郡為丹陽郡

秣陵○

臣祖庚

按宋白曰秣陵縣秦屬鄣郡漢置揚州

刺史理秣陵

湖熟○

臣祖庚

按漢湖熟侯國晉宋為縣

會稽郡○

臣祖庚

按秦置漢高帝六年為荆國十二年

更名吳所謂吳會是也

富陽○臣宗萬按卽漢富春縣本屬會稽後屬吳郡晉

簡文鄭太后諱春孝武改曰富陽

臨安○臣宗萬按吳分餘杭為臨水縣晉武帝太康元

年更名臨安屬吳興郡

武進○臣祖庚按晉武帝太康元年分丹徒曲阿立縣

屬晉陵郡南渡後屬南東海郡

義興郡○臣祖庚按卽常州之宜興宋太平興國元年

避太宗諱改為宜興

義鄉○臣祖庚按晉惠帝永興元年分吳興之長城立

縣屬義興郡

南琅邪郡○臣宗萬按沈約曰晉亂琅邪民隨元帝過

江者千餘戶太興三年立懷德縣丹陽雖有琅邪郡

而無其地成帝成康元年桓溫領郡鎮江乘之蒲州

金城上求割丹陽之江乘縣境立郡

凌○臣祖庚按因凌水得名應劭曰凌水出凌縣西南

入淮酈道元曰凌水出凌縣東流逕其縣故城東而

東南流入淮二說互異

武原○臣宗萬按水經注云武原縣在下邳縣西通典

曰泗州下邳縣北有漢武原縣故城通鑑考異曰武

原自漢以來屬彭城郡宋志南彭城郡有武原縣而

徐州之彭城無之蓋自永嘉之亂其民南徙而故縣  
邱墟也

南平昌郡○臣祖庚按前漢屬琅邪後漢屬北海晉太

康地志屬城陽宋分立

豫州○臣祖庚按治壽陽在歷陽故謂西豫州

邵陵○臣祖庚按漢屬汝南郡晉以後屬潁川郡杜佑

曰蔡川鄖陵縣有古鄖陵城

汝陽郡○臣祖庚按沈約曰晉太康地志無汝陽郡應

是江左分汝南立汝陽漢舊縣屬汝南郡

汝南郡○臣祖庚按宋豫州刺史治汝水水經注云汝

水自汝南上蔡縣東逕懸瓠城北

于湖注甬城○臣宗萬按通鑑甬城當作角城水經注

云角城在下邳睢陵縣南臨淮水其地據濟水入淮

之口高間曰角城去淮陽十八里杜佑曰角城晉安

帝義熙中置在宿遷縣界五代志作甬城

烏江○臣祖庚按烏江縣始見于晉書屬淮南郡不記

置立宋屬歷陽郡宋白曰晉太康六年于東城界置

烏江縣此屬臨江郡以并歷陽故也

南兖州○臣祖庚按晉成帝立治京口文帝始割江淮

間為境治廣陵

海陵郡 ○ 臣祖庚 按晉安帝分廣陵立郡

山陽郡 ○ 臣祖庚 按晉安帝義熙中分廣陵立郡境內

有地名山陽故名

盱眙郡 ○ 臣宗萬 按盱眙本縣治前漢屬臨淮郡後漢

屬下邳郡晉復屬臨淮郡安帝分立盱眙郡

鍾離郡 ○ 臣祖庚 按本縣治漢屬九江郡晉屬淮南郡

安帝時分立屬南兖州又通典鍾離縣東四十里有

古鍾離城史記伍子胥傳吳拔楚鍾離注古鍾離之

國世本作終犁

馬頭郡 ○ 臣祖庚 按沈約曰故淮南當塗縣地晉安帝

立因山形而名屬南豫州宋屬徐州

睢陵 ○ 臣宗萬 按前漢屬淮南郡後漢屬下邳郡宋屬

濟陰郡沈約曰濟陰本屬兖州其民流寓徐土因割

地為郡杜佑曰睢陵縣故城在泗州下邳縣東南

吉陽 ○ 臣祖庚 按吳立縣于吉水之陽因以為名

上饒 ○ 臣宗萬 按宋白曰信州有上饒縣本秦番縣界

漢為番陽縣今州古城遺跡開皇中所廢古上饒也

九域志番陽東南至上饒五百四十里

龍川 ○ 臣祖庚 按顏師古曰裴氏廣州記云本博羅縣

之東鄉也有龍穿地而出即穴流水因以為號

鬱林郡 ○ 臣祖庚 按故秦桂林郡屬尉佗武帝光鼎六

年開更名

武平郡 ○ 臣祖庚 按吳孫皓建衡三年分交阯立新興

郡晉武帝太康三年更名新昌屬交州

九德郡 ○ 臣祖庚 按古越裳氏國沈約曰孫吳分立九

德郡

盧容 ○ 臣祖庚 按即秦象郡象林縣地亦謂之象浦

南齊書卷十四考證

南齊書卷十五

梁 蕭 子 顯 撰

志第七

州郡下

荆 巴 郢 司 雍 湘

梁 秦 益 寧

荆州漢靈帝中平末刺史王睿始治江陵吳時西陵督鎮之晉太康元年平吳以為刺史治愍帝建興元年刺史周顛避杜弼賊奔建康陶侃為刺史治沌口王敦治武昌其後或還江陵或在夏口桓温平蜀治江陵以臨

沮西界水陸紆險行逕裁通南通巴巫東南出州治道帶蠻蠻田土肥美立為汶陽郡以處流民屬氏陷襄陽桓沖避居上明頓陸遜樂鄉城上四十餘里以田地肥良可以為軍民資實又接近三峽無西疆之虞故重戍江南輕戍江北苻堅敗後復得襄陽太元十四年王忱還江陵江陵去襄陽步道五百勢同唇齒無襄陽則江陵受敵不立故也自忱以來不復動移境域之內含帶蠻蠻土地遼落稱為殷曠江左大鎮莫過荆揚弘農郡陝縣周世二伯總諸侯周公主陝東召公主陝西故稱荆州為陝西也領郡如左

南郡

江陵 華容 枝江 臨沮 編 當陽

南平郡

孱陵 作唐 江安 安南

天門郡

零陽 澧陽 臨澧 澧中

宜都郡

夷道 佷山 夷陵 宜昌

南義陽郡

平氏 厥西

河東郡

聞喜

松滋

譙

永安

汝陽郡

僮陽

沮陽

高安

新興郡

定襄

新豐

廣牧

此下闕文

南齊書卷十五 州郡志

乾隆四年校刊

南齊書卷十五 州郡志

三

漢平 涪陵 漢致

郢州鎮夏口舊要害也吳置督將為魯口屯對魯山岸  
因為名也晉永嘉中荊州刺史都督山簡自襄陽避賊  
奔夏口庾翼為荊州治夏口並依地嶮也泰元中荊州  
刺史桓冲移鎮上明上表言氏賊送死之日舊郢以北  
堅壁相望待以不戰江州刺史桓嗣宜進屯夏口據上

下之中於事為便義熙元年冠軍將軍劉毅以為夏口  
二州之中地居形要控接湘川邊帶澗沔請并州刺史  
劉道規鎮夏口夏口城據黃鵠磯世傳仙人子安乘黃  
鵠過此上也邊江峻險樓櫓高危瞰臨沔漢應接司部  
宋孝武置州於此以分荆楚之勢領郡如左

江夏郡

沙陽 蒲圻 澠陽 汝南 沌陽 惠懷

竟陵郡

竟陵 雲杜 霄城 萇壽 新市 新陽

武陵郡

雲杜 霄城 萇壽 新市 新陽

乾隆四年校刊

南齊書卷十五 州郡志

四

沅陵 臨沅 零陵 辰陽 西陽 沅南

漢壽 龍陽 澧陽 黠陽

巴陵郡

下雋 州陵 巴陵 監利

武昌郡

武昌 鄂 陽新 義寧 寄治鄂 真陽 永明三年戶口簿無

西陽郡

西陵 蘄陽 西陽 孝寧 期思 永明三年戶口簿無

義安左縣 希水左縣 東安左縣 蘄水左縣

齊興郡 永明三年置

綏懷 齊康 葺波 綏平 齊寧 上蔡 永明三年

戶口簿無

東狎何郡 永明三年戶口簿云新置無屬縣

宜 南平陽 西新市 南新市 西平陽

東新市

方城左郡

城陽 歸義

北新陽郡

西新陽 安吉 長寧

義安左郡

乾隆四年校刊

南齊書卷十五 州郡志

五

綏安

南新陽左郡

南新陽 新興 北新陽 角陵 新安

北遂安左郡 永明三年簿云五縣皆缺

東城 綏化 富城 南城 新安

新平左郡

平陽 新市 安城

建安左郡

霄城

司州鎮義陽宋景平初失河南地元嘉宋僑立州於汝

南縣瓠尋罷泰始中立州於義陽郡有三關之隘北接

陳汝控帶許洛自此以來常為邊鎮泰始既遷領義陽

僑立汝南領三郡元徽四年又領安陸隨安蠻三郡領

郡如左

南義陽郡

孝昌 平輿 義昌 平陽 南安 平春

北義陽郡

平陽 義陽 保城 郟 鍾武 環水

隨郡

隨 永陽 闕西 安化

乾隆四年校刊

南齊書卷十五 州郡志

六

安陸郡 寄州治

應城 新市 新陽 宣化

汝南郡 寄州治

平輿 北新息 真陽 安城 南新息 安陽

臨汝 汝南 上蔡

齊安郡

齊安 始安 義城 南安 義昌 義安

淮南郡

閣口 平氏

宋安左郡

仰澤 樂寧 襄城

安蠻左郡

木蘭 新化 懷 中聶陽 南聶陽 安蠻

永寧左郡

中曲陵 曲陵 孝懷 安德

東義陽左郡

永寧 革音 戚清 永平

東新安左郡

第五 南平林 始平 始安 平林 義昌

固城 新化 西平

乾隆四年校刊

南齊書卷十五

州郡志

七

南齊書卷十五 州郡志

六

新城左郡

孝懷

中曲

南曲陵

懷昌

圍山左郡

及刺

章平

北曲

洛陽

圍山

曲陵

建寧左郡

建寧

陽城

北淮安左郡

高邑

南淮安左郡

慕化

栢源

北隨安左郡

濟山

油潘

東隨安左郡

西隨

高城

牢山

雍州鎮襄陽晉中朝荊州都督所治也元帝以魏該爲  
雍州鎮鄴城襄陽別有重戍庾翼爲荊州謀北伐鎮襄  
陽自永嘉亂襄陽民戶流荒咸康八年尙書殷融言襄  
陽石城疆場之地對接荒寇諸荒殘寄治郡縣民戶寡  
少可并合之朱序爲雍州於襄陽立僑郡縣沒苻氏氏  
敗復還南復用朱序襄陽左右田土肥良桑梓野澤處

處而有郟恢為雍州于時舊民甚少新戶稍多宋元嘉中割荊州五郡屬遂為大鎮疆蠻帶沔阻以重山北接宛洛平塗直至跨對樊沔為郟郢北門部領蠻左故別置蠻府焉領郡如左

襄陽郡

襄陽

中廬

郟

建昌

南陽郡

宛

涅陽

冠軍

舞陰

酈

云陽

許昌

新野郡

新野

山都

池陽

穰

交木

惠懷

始平郡

武當

武陽

始平

平陽

廣平郡

鄧

比陽

廣平

陽

京兆郡

鄧

新豐

杜

魏

扶風郡

筑陽

郟

沔陽

馮翊郡

郟

蓮勺

高陸

乾隆四年校刊

南齊書卷之五

州郡志

九

河南郡

河南 新城 棘陽 襄鄉 河陰

南天水郡

畧陽 華陰 西

義成郡

萬年 義成

建昌郡

永興 安寧

華山郡

藍田 華山 上黃

南上洛郡 建武中此以下郡皆沒虜

上洛 商

北河南郡

新蔡 汝陰 上蔡 緱氏 洛陽 新安

固始 苞信

弘農郡

郟 鄆 圉 盧氏

順陽郡

南鄉 槐里 清水 丹水 鄭 順陽

西汝南郡

乾隆四年校刊

南齊書卷之五 州郡志

南齊書卷之五 州郡志

九

北上洛郡

齊安郡

齊康郡

招義郡

右五郡不見屬縣

寧蠻府領郡如左

西新安郡

北新安郡

義寧郡

南襄郡

義寧

沘陽

武當

南陽

沘陽

安化

南安

南襄郡

新安

武昌

建武

武平

北建武郡

東萇秋

霸

北郡

高羅

西萇秋

平丘

蔡陽郡

樂安

東蔡陽

西蔡陽

新化

楊子

新安

永安郡

東安樂

新安

西安樂

勞泉

安定郡

思歸

歸化

臯亭

新安

土漢

土頤

乾隆四年校刊

南齊書卷十五

州郡志

七

懷化郡

懷化 編 遂城 精陽 新化 遂寧 新陽

武寧郡

新安 武寧 懷寧 新城 永寧

新陽郡

東平林 頭章 新安 朗城 新市 新陽

武安 西林

義安郡

郊鄉 東里 永明 山都 義寧 西里

義安 南錫 義清

高安郡

高安 新集

左義陽郡

南襄城郡

廣昌郡

東襄城郡

北襄城郡

懷安郡

北弘農郡

西弘農郡

乾隆四年校刊

南齊書卷十五 州郡志

七

析陽郡

北義陽郡

漢廣郡

中襄城郡

右十二郡沒虜

湘州鎮長沙郡湘川之奧民豐土閑晉永嘉元年分荆州置苟晞為刺史此後三省輒復置元嘉十八年置至今為舊鎮南通嶺表唇齒荆區領郡如左  
長沙郡

臨湘 羅 湘陰 醴陵 瀏陽 建寧 吳昌

桂陽郡

郴 臨武 南平 耒陽 晉寧 汝城

零陵郡

泉陵 洮陽 零陵 祁陽 觀陽 永昌

應陽

衡陽郡

湘西 益陽 湘鄉 新康 衡山

營陽郡

營道 泠道 營浦 舂陵

湘東郡

乾隆四年校刊

南齊書卷十五 州郡志

七

南齊書卷十五 州郡志

三

茶陵 新寧 攸 臨蒸 重安 陰山

邵陵郡

都梁 邵陵 高平 武剛 建興 邵陽 扶

始興郡

曲江 桂陽 仁化 陽山 令階 含涯

靈溪 中宿 浚陽 始興

臨賀郡

臨賀 馮乘 富川 封陽 謝沐 興安

寧新 開建 撫寧

始安郡 本名始建齊改

始安 荔浦 建陵左縣 熙平 永豐 平樂

齊熙郡

梁州鎮南鄭魏景元四年平蜀所置也晉永嘉元年蜀賊沒漢中刺史張光治魏興三年還漢中建興元年又為氏楊難敵所沒桓温平蜀復舊土後為譙縱所沒縱平復舊每失漢中刺史輒鎮魏興漢中為巴蜀扞蔽故劉備得漢中云曹公雖來無能為也是以蜀有難漢中輒沒雖時還復而戶口殘耗宋元嘉中甄法護為氏所攻失守蕭思話復還漢中後氏虜數相攻擊關隴流民多避難歸化於是民戶稍實州境與氏胡相隣亦為威

乾隆四年校刊

南齊書卷十五

州郡志

御之鎮領郡如左

漢中郡

南鄭

城固

沔陽

西鄉

西上庸

魏興郡

西城

旬陽

興晉

廣昌

南廣城

永元志無廣城

新興郡

永元二年志無

吉陽

東關

南新城郡

房陵

綏陽

昌魏

祁鄉

閬陽

樂平

上庸郡

上庸

武陵

齊安

北巫

上廉

微陽

白水新豐

新安

吉陽

晉壽郡

晉壽

邵歡

興安

白水

華陽郡

宕渠

華陽

興宋

嘉昌

新巴郡

新巴

晉城

晉安

北巴西郡

閬中

安漢

宋壽

南國

西國

平周

乾隆四年校刊

南齊書卷五

州郡志

七

南齊書卷五

州郡志

七

南齊書卷之五 少君

漢昌 宋壽 南園 西園 平周

巴渠郡

宣漢 晉興 始興 巴渠 東關 始安

下蒲

懷安郡

懷安 義存

宋熙郡

宋熙 宋安 陽安 元壽 嘉昌 永元志無

白水郡

晉壽 新巴 漢德 益昌 興安 平周

南上洛郡

上洛 商 流風 民 北豐陽 渠陽 義陽

北上洛郡

上洛 商 豐陽 永元志無 流民 柘陽 陽亭

齊化 西豐陽 東鄴陽 齊寧 永元志無 京兆

新寧 永元志無 新附

安康郡

安康 寧都

南宕渠郡

宕渠 漢安 宣漢 宋康

乾隆四年校刊

南齊書卷之五 州郡志

六

懷漢郡

永豐

綏成

預德

北陰平郡

陰平

平武

南陰平郡

陰平

懷舊

齊興郡

齊興

永元志無

安昌

永元志無

鄖鄉

錫

安富

畧陽

晉昌郡

安晉

宣漢

吉陽

萇壽

東關

新興

延壽

安樂

東晉壽郡

右一郡縣邑事亡

弘農郡

東昌魏郡

畧陽郡

北梓潼郡

廣長郡

式水郡

思安郡

乾隆四年校刊

南齊書卷之五

州郡志

七

南齊書卷之五

州郡志

七

宋昌郡

建寧郡

南泉郡

三巴郡

江陵郡

懷化郡

歸寧郡

東棧郡

北宕渠郡

宋康郡

南齊書卷之五  
少君志

二

南漢郡

南梓潼郡

始寧郡

江陽郡

南部郡


南安郡

建安郡

壽陽郡

南陽郡

宋寧郡



乾隆四年校刊

南齊書卷之五  
州郡志

六

歸化郡

始安郡

平南郡

懷寧郡

新興郡


南平郡

齊兆郡

齊昌郡

新化郡

寧章郡



隣溪郡

京兆郡

義陽郡

歸復郡

安寧郡

東宕渠郡

宋安郡

齊安郡

凡四十五郡

荒或無民戶  
秦州晉武帝泰始五年置舊土有秦之富跨帶壠坂太

乾隆四年校刊

南齊書卷十五

州郡志

十九

康省惠帝元康七年復置中原亂沒胡穆帝永和八年胡偽秦州刺史王擢降仍以為刺史尋為苻健所破十一年桓溫以氐王楊國為秦州刺史未有民土至泰元十四年雍州刺史朱序始督秦州則孝武所置也寄治襄陽未有刺史是後雍州刺史常督之隆安二年郭銓始為梁南秦州刺史州寄治漢中四年桓玄督七州但云秦州元興元年以苻堅子宏為北秦州刺史自此荊州都督常督秦州梁州當帶南秦州刺史義熙三年以氐王楊國為北秦州刺史十四年置東秦州劉義真為刺史郭恭為梁州刺史尹雅為秦州刺史宋文帝為荊州都督督秦州又進督北秦州州名雜出省置不見永明郡國志秦州寄治漢中南鄭不曰南北元嘉計偕亦云秦州而荊州都督常督二秦梁南秦一刺史是則志所載秦州為南秦氐為北秦領郡如左

武都郡

南天下辯

上祿

陳倉

畧陽郡

京兆畧陽

臨漢

安固郡

西井安固

南桓陵

乾隆四年校刊

南寧書卷十五

州郡志

三

南齊書卷十五 州郡志

西扶風郡

武功郡

京兆郡

藍田郡

南太原郡

始平郡

始平郡

始平郡 槐里 晉宋熙二秦梁南秦一陳史曷限志

天水郡 志秦州志中 南梁不曰南其武嘉信

新陽 河陽 秦州志 秦州志

安定郡

宋興 朝那

南安郡

桓道 中陶

金城郡

金城 榆中 臨洮 襄

馮翊郡

蓮勺 頻陽 下邳 萬年 高陵

隴西郡

河關 狄道 首陽 大夏

乾隆四年校刊

南齊書卷十五 州郡志

七

仇池郡

西上辯

倉泉

白石

夷安

東寧郡

西安

北地

南漢

益州鎮成都起魏景元四年所治也開拓夷荒稍成郡縣如漢之永昌晉之雲山之類是也蜀侯輝杜以來四為偏據故諸葛亮云益州險塞沃野天府劉頌亦謂成都宜處親子弟以為王國故立成都王穎竟不之國三峽險阻蠻夷孔熾西通芘芘河南亦如漢武威張掖為西域之道也方面疆鎮塗出萬里晉世以處武臣宋世

亦以險遠諸王不牧泰始中成都市橋忽生小洲始康人邵碩有術數見之曰洲生近市當有貴王臨境永明二年而始興王鎮為刺史州土壤富西方之一都焉領

夷齊諸郡如左

巴涪陵二郡見巴州

蜀郡

成都

郫

牛鞞

繁

永昌

廣漢郡

雒

什方

新都

郫

伍城

陽泉

晉康郡

江原

臨邛

縱陽

晉樂

漢嘉

乾隆四年校刊

南齊書卷十五

州郡志

三

寧蜀郡

廣漢

升遷

廣都

墊江

汶山郡

都安

齊基

漫官

南陰平郡

陰平

綿竹

南鄭

南長樂

東遂寧郡

巴興

小漢

晉興

德陽

始康郡

康晉

談

新成

永寧郡

欣平

永安

宜昌

安興郡

南漢

建昌

犍爲郡

樊道

南安

資中

冶官

武陽

江陽郡

江陽

常安

漢安

綿

安固郡

桓陵

臨渭

興固

南苞

清水

沔陽

乾隆四年校刊

南齊書卷十五 州郡志

三

南城固

懷寧郡

萬年

西平

懷道

始平

巴西郡

閬中

安漢

西充國

南充國

漢昌

平州

益昌

晉興

東關

梓潼郡

涪

梓潼

漢德

新興

萬安

西浦

東江陽郡

漢安

安樂

綿水

南晉壽郡

南晉壽

泉

南興

西宕渠郡

宕渠

宣漢

漢初

東關

天水郡

西

上邽

冀

宋興

南新巴郡

治陰平

寄

新巴

晉熙

桓陵

北陰平郡

陰平

南陽

北桓陵

扶風

慎陽

京兆

乾隆四年校刊

南齊書卷十五

州郡志

三

南齊書卷十五

州郡志

三

綏歸

新城郡

下辯 畧陽 漢陽 安定

扶風郡

見永元三年志

武江 華陰 茂陵

南安郡

見永元三年志

南安 華陽 白水 樂安 桓道

東宕渠獠郡

宕渠 平州 漢初

北部都尉

越雋獠郡

沈黎獠郡

蚕陵令無戶數

甘松獠郡

始平獠郡

齊開左郡

齊通左郡

右二左郡建武二年置

寧州鎮建寧郡本益州南中諸葛亮所謂不毛之地也  
道遠土瘠蠻夷衆多齊民甚少諸夔氏彊族恃遠擅命

乾隆四年校刊

南齊書卷十五 州郡志

三

故數有土反之虞領郡如左

建平郡

同樂 同瀨 牧麻 新興 新定 味 同並

萬安 昆澤 漏江 談豪 母單 存駝

南廣郡

南廣 常遷 晉昌 新興

南朱提郡

朱提 漢陽 堂狼 南秦

南牂牁郡

且蘭 萬壽 母斂 晉樂 綏寧 丹南

梁水郡

梁水 西隨 母掇 勝休 新豐 建安

驃封

建寧郡

新安 永豐 綏雲 遂安 麻雅 臨江

晉寧郡

建伶 連然 滇池 俞元 穀昌 秦臧

雙栢

雲南郡

東古復 西古復 雲平 雅龍

乾隆四年校刊

南齊書卷十五 州郡志

三

西平郡

西平

暖江

都陽

西寧

晉綏

新城

夜郎郡

夜郎

談栢

談樂

廣談

東河陽郡

東河陽

樸榆

西河陽郡

比蘇

建安

成昌

平蠻郡

平蠻

穀邑

興古郡

西中

宛暖

律高

句町

漏卧

南興

興寧郡

青蛉

弄棟

西阿郡

益寧

新豐

遂

平樂郡

益寧

安寧

北朱提郡

宋昌河陽

義城

乾隆四年校刊

南齊書卷十五

三

南齊書卷十五

三

宋昌郡

宋昌郡

安上

犍爲

永昌郡

有名無民日空荒不立

平樂永安

永

不建

犍瓊

雍鄉

西城

博南

益寧郡

永明五年刺史董仲舒啓置領二縣無民戶自此已後皆然也

西陽武陽

綿水

南犍爲郡

永明二年置

西益郡

江陽郡

犍爲郡

永興郡

永寧郡

安寧郡

右六郡隆昌元年置

東朱提郡

延興元年置

安上郡

建武三年刺史郭安明啓置

贊曰郡國旣建因州而剖離過十三合不踰九分城列邑名號殷阜遷徙叛逆代亡代有

宋昌郡

江陽

晉曰襄陽郡

晉曰襄陽郡

東未嘗置

東未嘗置

東未嘗置

東未嘗置

東未嘗置

### 南齊書卷十五

南齊書卷十五考證

州郡志下荊州○臣宗萬按春秋楚之郢都也秦拔郢

置南郡漢改為荊州

此下闕文○臣承蒼按所闕者皆巴州郡縣之名

江夏郡○臣祖庚按漢高帝置屬荊州應劭曰沔水自

江別至南華容為夏水過郡入江故曰江夏

司州○臣宗萬按沈約曰武帝北平關洛河南底定置

司州刺史治虎牢少帝景平初復沒元嘉末僑立治

汝南是後遂治義陽

元嘉末僑立州於汝南縣瓠○諸本同按上文已有宋

景平初四字此宋字疑當作末本同對上文曰晉宋  
油潘○南監本無潘字

雍州○臣祖庚按沈約曰晉孝武始於襄陽立雍州并

立僑郡縣宋割荊州之襄陽南陽新野順陽隨五郡

為雍州南華按晉武帝平吳割中廬之南鄉臨沮之

上黃○臣祖庚按晉武帝平吳割中廬之南鄉臨沮之

北鄉立縣屬襄陽郡安帝分屬長寧郡宋明帝以名

與文帝陵同改為永寧郡此屬華山郡

順陽○南監本作從陽按本縣治漢屬廣漢晉屬梓漳宋屬

白水郡○臣祖庚按本縣治漢屬廣漢晉屬梓漳宋屬

晉壽又五代志武昌建威縣舊立白水郡非此地也

秦州○臣祖庚按本秦隴西郡魏分隴右為秦州

天水郡○臣祖庚按漢武帝元鼎三年置後漢明帝改

曰漢陽又秦州地紀云郡前湖水冬夏無增減因以

名焉

金城郡○臣祖庚按漢昭帝六年置應劭曰初築城得

金故曰金城

臨洮○臣宗萬按漢地理志洮水出西羌中北至枹罕

東入河禹貢西頃山在縣西南部都尉治也

南陰平郡○臣祖庚按輿地志晉人流寓于蜀者於益

州立南北二陰平寓于漢中者于梁州立南北二陰

平

犍爲郡 ○ 臣祖庚

按應劭曰古夜郎國漢武帝建元六

年開

夔道 ○ 臣祖庚

按應劭曰古夔侯國也

宕渠 ○ 臣宗萬

按卽春秋時巴子國也秦漢屬巴郡宋

改爲宕渠

北陰平郡 ○ 臣祖庚


按漢屬廣漢屬國都尉晉武帝分


立陰平郡宋分立南北二陰平郡

南牂柯郡 ○ 臣宗萬

按漢武帝建元六年開應劭曰臨

牂柯江也顏師古曰牂柯係船棧也華陽國志曰楚  
頃襄王時遣莊躋伐夜郎軍至且蘭舂船于岸而步  
戰旣夜滅郎以且蘭有舂船牂柯處乃改其名爲牂  
柯





南齊書卷十五考證

南齊書卷十六

梁太僕卿蕭身真王子恭顯撰

志第八

百官

建官設職興自炎昊方乎隆周之冊表乎盛漢之書存  
改洄沿備於歷代先賢往學以之雕篆者衆矣若夫胡  
廣舊儀事惟簡撮應劭官典殆無遺恨王朗奏議屬霸  
國之初基陳矯增曹由軍事而補闕今則有魏氏官儀  
魚豢中外官也山濤以意辯人不闕苟勗欲去事  
煩唯論并省定制成文本之晉令後代承業案爲前准

肇域官品區別階資蔚宗選簿梗槩欽明階次詳悉虞  
通劉寅因荀氏之作矯舊增新今古相校齊受宋禪事  
遵常典既有司存無所偏廢其餘散在史注多已筌拾  
覽者易知不重述也  
諸臺府郎令史職吏以下具  
見長水校尉王珪之職儀  
國相  
蕭曹以來爲人臣極位宋孝建用南譙王義宣  
至齊不用人以爲贈不列官

太宰

宋大明用江夏王義恭以後無人齊以爲贈

太傅

太師太保太傅周舊官漢末董卓爲太師晉惠  
帝初衛瓘爲太保自後無太師而太保爲贈齊  
唯置太傅

大司馬

大將軍

宋元嘉用彭城王義康後無人齊以爲贈

太尉

司徒

司空

三公舊爲通官司徒府領天下州郡名數戶口

簿籍雖無常置左右長史左西掾屬主簿祭酒  
令史以下晉世王導爲司徒右長史干寶撰立  
官府職儀已具

特進

位從公

諸開府儀同三司

驃騎將軍

車騎將軍

衛將軍

鎮軍將軍

中軍將軍

撫軍將軍

四征將軍

東西南北

四鎮將軍

凡諸將軍加大字位從公開府儀同如公凡公  
督府置佐長史司馬各一人諮議參軍二人諸  
曹有錄事記室戶曹倉曹中直兵外兵騎兵長  
流賊曹城局法曹田曹水曹鎧曹集曹右戶十  
八曹局曹以上署正參軍法曹以下署行參軍  
各一人其行參軍無署者爲長兼員其府佐史

乾隆四年校刊

海寧書卷十一  
百官志

二

則從事中郎二人倉曹掾戶曹屬東西閣祭酒  
各一人主簿舍人御屬二人加崇者則左右長  
史四人中郎掾屬竝增數其未及開府則置府  
亦有佐史其數有減小府無長流置禁防參軍  
四安將軍  
四平將軍  
左右前後將軍  
征虜將軍  
四中郎將

晉世荀羨王胡之竝居此官宋齊以來唯處諸

王素族無爲者

冠軍將軍

輔國將軍

寧朔將軍

寧遠將軍

龍驤將軍

凡諸小號亦有置府者

太常

府置丞一人五官功曹主簿九府九史皆然領

官如左

乾隆四年校刊

百官志

四

博士謂之太學博士

國子祭酒一人博士二人助教十人

建元四年有司奏置國學祭酒准諸曹尚書博士准中書郎助教淮南臺御史選經學爲先若其人難備給事中以還明經者以本位領其下典學二人三品准太常主簿戶曹儀曹各二人五品白簿治禮吏八人六品保學醫二人威儀二人其夏國諱廢學有司奏省助教以下永明三年立學尚書令王儉領祭酒八年國子博士何胤單爲祭酒疑所服陸澄等皆不能據遂以立服臨試月餘日博議定乃服朱衣

總明觀祭酒一人

右太始六年以國學廢初置總明觀立儒文史四科科置學士各十人正令史一人書令史二人幹一人門吏一人典觀吏二人建元中掌治五禮永明三年國學建省

太廟令一人丞一人

明堂令一人丞一人

太祝令一人丞一人

太史令一人丞一人

廩犧令一人丞一人

置令丞以下皆有職吏

太樂令一人丞二人

諸陵令

永明末置用二品三品勳置主簿戶曹各一人  
六品保與

光祿勳

府置丞一人領官如左

左右光祿大夫

位從公開府置佐史如公

光祿大夫

皆銀章青綬詔加金章紫綬者爲金紫光祿大  
夫樂安任遐爲光祿就王晏乞一片金晏乃啟  
轉爲金紫不行

太中大夫

中散大夫

諸大夫官皆處舊齒老年重者加親信二十人

衛尉

府置丞一人掌宮城管籥張衡西京賦曰衛尉  
八屯警夜巡晝宮城諸却敵樓上本施鼓持夜

者以應更唱太祖以鼓多驚眠改以鐵磬云

廷尉

府置丞一人正二人監一人評一人律博士一

人

大司農

府置丞一人領官如左

太倉令一人丞一人

導官令一人丞一人

籍田令一人丞一人

少府

府置丞一人領官如左

左右尚方令各一人丞一人

鍛署丞一人永明三年省四年復置

御府令一人丞一人

東冶令一人丞一人

南冶令一人丞一人

平准令一人丞一人

上林令一人丞一人亦屬尚書殿中曹

將作大匠

太僕

乾隆四年校刊

南齊書卷十六 百官志

七

大鴻臚

三卿不常置將作掌宮廟土木太僕掌郊禮執  
轡鴻臚掌導護贊拜有事權置兼官畢乃省

乘黃令一人

掌五輅安車大行凶器輶輳車

客館令

掌四方賓客

宣德衛尉少府太僕

鬱林王立文安太后卽尊號以宮名置之

大長秋

鬱林立皇后置

錄尚書

尚書令

總領尚書臺二十曹爲內臺主行遇諸王以下  
皆禁駐左右僕射分道無令左僕射爲臺主與  
令同

左僕射

領殿中主客二曹事諸曹郊廟園陵車駕行幸  
朝儀臺內非違文官舉補滿敘疾假事其諸吉  
慶瑞應衆賀災異賊發衆變臨軒崇拜改號格

制莅官銓選凡諸除署功論封爵貶黜八議疑  
讞通關案則左僕射主右僕射次經維是黃案  
左僕射右僕射署朱符見字經都承竟右僕射  
橫畫成目左僕射畫令畫右官闕則以次并畫  
若無左右則直置僕射在其中閒總左右事

吏部尚書

領吏部刪定三公比部四曹

度支尚書

領度支金部倉部起部四曹

左民尚書

領左民駕部二曹

都官尚書

領都官水部庫部功論四曹

五兵尚書

領中兵外兵二曹

祠部尚書

右僕射通職不俱置

起部尚書

興立宮廟權置事畢省

左丞一人

掌宗廟郊祠吉慶瑞應災異立作格制諸案彈  
選用除置吏補滿除遣注職

右丞一人

掌兵士百工補役死叛考代年老疾病解遣其  
內外諸庫藏穀帛刑臬創業諍訟田地船乘稟  
拘兵工死叛考剔討補差分百役兵器諸營署  
五人領州郡租布人民戶移徙州郡縣併帖城邑  
民戶割屬刺史二千石令長尉被收及免贈文  
武諸犯削官事白案右丞上署左丞次署黃案  
左丞上署諸立格制及詳讞大事宗廟朝廷儀

體左丞上署右丞次署自令僕以下五尚書八  
座二十曹各置郎中令史以下又置都令史分  
領之僕射掌朝軌尚書掌讞奏都丞任碎在彈  
違諸曹緣常及外詳讞事應須命議相值者皆  
郎先立意應奏黃案及關事以立意官爲議主  
凡辭訴有漫命者曹掾諮如舊若命有諮則以  
立意者爲議主  
武庫令一人

屬庫部

車將令一人丞一人

屬駕部

公車令一人

大官令一人丞一人

大醫令十人丞一人

內外殿中監各十人

內外驛驪廐丞各一人

材官將軍一人司馬一人

屬起部亦屬領軍

侍中祭酒

高功者稱之

侍中

漢世為親近之職魏晉選用稍增華重而大  
意不異宋文帝元嘉中王華王曇首殷景仁等並  
為侍中情在親密與帝接膝共語貂拂帝手拔  
貂置案上語畢復手挿之孝武時侍中何偃南  
郊陪乘轡輅過白門闕偃將匍帝乃接之曰朕  
乃陪卿齊世朝會多以美姿容者兼官永元三  
年東昏南郊不欲親朝士以主璽陪乘前代未  
嘗有也侍中呼為門下亦置令史領官如左

給事黃門侍郎

亦管知詔令世呼為小門下

散騎常侍通直散騎常侍員外

舊與侍中通官其通直員外用衰老人士故其官漸替宋大明雖華選比侍中而人情久習終不見重尋復如初

散騎侍郎通直散騎侍郎員外散騎侍郎  
給事中

奉朝請

駙馬都尉

集書省職置正書令史朝散用衣冠之餘人數猥積永明中奉朝請至六百餘人

中書監一人令一人侍郎四人通事舍人無員

中書省職置主書令史正書以下

祕書監一人丞一人郎著作佐郎

晉祕書閣有令史掌衆書見晉令令亦置令史正書及弟子皆典教書畫

御史中丞一人

晉江左中丞司隸分督百僚傳咸所云行馬內外是也今中丞則職無不察專道而行騶輻禁呵加以聲色武將相逢輒致侵犯若有鹵簿至相毆擊宋孝建二年制中丞與尚書令分道雖

丞郎下朝相值亦得斷之餘內外衆官皆受停

駐

治書侍御史二人

侍御史十人

蘭臺置諸曹內外督令以下

謁者僕射一人

謁者十人

謁者臺掌朝覲賓饗

領軍將軍中領軍

護軍將軍中護軍

凡爲中小輕同一官也諸爲將軍官皆敬領護

諸王爲將軍道相逢則領護讓道置長史司馬

五官功曹主簿

左右二衛將軍

驍騎將軍

游擊將軍

晉世以來謂領護至驍游爲六軍二衛置司馬

次官功曹主簿以下

左右二中郎將

前軍將軍後軍將軍左軍將軍右軍將軍號四軍

屯騎步兵射聲越騎長水五校尉

虎賁中郎將

冗從僕射

羽林監

積射將軍

彊弩將軍

殿中將軍員外殿中將軍

殿中司馬督

武衛將軍

武騎常侍

太自二衛四軍五校已下謂之西省而散騎為東

太省

丹陽尹

太位次九卿下

太子太傅

少傅

府置丞功曹五官主簿

太子詹事

府置丞一人以下

太子率更令

乾隆四年校刊

河晉書卷十六 百官志

十四

太子家令

置丞

太子僕

太子門大夫

太子中庶子

太子中舍人

太子洗馬

太子舍人

太子左右衛率各一

太子翊軍步兵屯騎三校尉

太子旅賁中郎將一人

太子左右積弩將軍

太子殿中將軍員外殿中將軍

太子倉官令

太子常從虎賁督

右東宮職僚

州牧刺史

魏晉世州牧隆重刺史任重者為使持節都督

輕者為持節督起漢順帝時御史中丞馮赦討

九江賊督揚徐二州軍事而何徐宋志云起魏

武遣諸州將督軍王珪之職儀云起光武竝非也晉太康中都督知軍事刺史治民各用人惠帝末乃并任非要州則單爲刺史州朝置別駕治中議曹文學祭酒諸曹部從事史

護南蠻校尉

府置佐史隸荊州晉宋末省建元元年復置三年省延興元年置建武省

護三巴校尉

宋置建元二年改爲刺史

寧蠻校尉

府亦置佐史隸雍州

平蠻校尉

永明三年置隸益州

鎮蠻校尉

隸寧州

護西戎校尉

護羌校尉

右四校尉亦置四夷

平越中郎將

府置佐史隸廣州

乾隆四年校刊

海晉書卷十六

百官志

十六

郡太守內史

縣令相

郡縣為國者為內史相

鎮蠻護軍


安遠護軍

晉世雜號多為郡領之


諸王師友文學各一人

國官郎中令中尉大農為三卿左右常侍侍郎上軍中  
軍下軍三軍典書典祠學官典衛四令食官廩牧長謁  
者以下公侯置郎中令一卿

贊曰百司分置惟皇命職雲師鳥紀各有其式



南齊書卷十六



南齊書卷十六考證

百官志相國○

臣祖庚

按卽漢之相國高帝置丞相十

一年更名相國應劭曰相者助也

太傅○

臣祖庚

按周之三公也後漢惟有太傅一人謂

之上公此蓋遵漢制也

大司馬○

臣宗萬

按漢武帝元狩元年始置以冠將軍

之號宣帝地節三年置大司馬不冠將軍哀帝建平

二年冠將軍如故元壽二年去將軍位在司徒上大

大將軍○

臣祖庚

按戰國時官楚虜大將軍屈丐是也

漢高帝以韓信爲大將軍武帝以衛青爲大將軍復

置大司馬官號以冠之據此則大司馬與大將軍始  
大分二職至武帝時合為一矣按漢初惟有太尉後加置大將軍

太尉司徒司空臣宗萬按漢初惟有太尉後加置大

司徒大司空後漢仍之自漢歷魏皆為三公晉及江

左相承不改臣宗萬按杜佑曰漢制諸侯功德優盛朝廷所

特進臣宗萬按杜佑曰漢制諸侯功德優盛朝廷所

敬重者賜位特進位在三公下晉元康中定令特進

位次諸公在開府驃騎上又按職儀曰特進以功德

特進見也臣宗萬按同三公之三司也後漢

諸開府儀同三司臣祖庚按同三公之三司也後漢

太尉司徒司空謂之三司鄧騭為車騎將軍儀同三

司自是南北因之有儀同三司之名臣宗萬

驃騎將軍臣宗萬漢置位次丞相

車騎將軍衛將軍臣宗萬位次上卿掌京師兵衛

中軍將軍臣祖庚按晉武帝重兵官故軍校多選朝

廷清重之士居之置中軍將軍以統宿衛七軍臣宗萬

太常臣祖庚按漢九寺大卿之一也秦為奉常漢景

帝中六年更名太常

博士臣祖庚按秦官掌通古今秩比六百石員多數

十人臣宗萬

光祿勳○臣祖庚按卽秦郎中令漢武帝更名光祿勳

邱濬曰卽周官之膳夫皆以士為之秦漢時乃持戟宿衛之官以之司膳羞則始于南北朝也

光祿大夫○臣祖庚按漢百官表注曰古官也杜佑曰

秦時光祿勳屬官有中大夫漢武帝太初元年更名光祿大夫掌議論無常事唯備顧問應對詔命所使

無員後漢光祿大夫三人晉魏後以為加官又復以為禮贈之官

衛尉○臣祖庚按秦官漢景帝初更名中大夫令後元年復為衛尉

廷尉○臣祖庚按秦置漢景帝更名大理武帝復名廷

尉蓋漢無司寇故廷尉為重顏師古曰廷平也治獄貴平故以為號

大司農○臣祖庚按秦為理粟內史漢景帝更名大農令武帝改大司農

少府○秦官漢因之是為九卿臣祖庚按秦有將作少府漢景帝更名將

作大匠位次河南尹光武省以謁者領之章帝復置臣祖庚按秦有將作少府漢景帝更名將

太僕○臣祖庚按周禮有太僕下大夫周穆王置太僕

夫正以伯冏爲之秦漢以後皆因之夫周禮五置太

大鴻臚○

臣祖庚

按秦典客也漢名鴻臚景帝改大行

令武帝更名大鴻臚應劭曰鴻聲也臚傳之也

大長秋○

臣宗萬

按秦之將行也漢景帝中六年更名

大長秋應劭曰皇后卿也顏師古曰秋者收成之時

長者恒久之義故以爲皇后官名

錄尚書○

臣祖庚

按漢章帝以太傅趙熹太尉牟融並

錄尚書事尚書有錄名蓋自熹始

尚書令○

臣祖庚

按杜佑曰秦置漢武帝用宦者更爲

中書謁者令成帝省之更以士人爲尚書令秩二千

石

吏部尚書度支尚書左民尚書都官尚書五兵尚書祠

部尚書起部尚書○

臣祖庚

按尚書之制秦漢以來

有之魏置吏部左民客曹五兵度支凡五尚書晉初

以左民更名三公五兵更名駕部復置屯田合以吏

部客曹度支謂爲六曹太康時以三公更名殿中駕

部復爲五兵省屯田爲五尚書宋置都官爲六尚書

至齊別有起部而不常置也

侍中○

臣祖庚

按秦侍中本丞相史也五人往來殿內

東廂奏事謂之侍中漢爲加官得入禁中應劭曰入

侍天子故曰侍中

奉朝請○

臣宗萬

按馬端臨曰奉朝請無員本不為官

奉朝會請召而已據此則志云永明中奉朝請至六百餘人非古制也

祕書監○

臣祖庚

按漢桓帝置後省魏武帝置祕書令

文帝黃初初置中書令後仍改為祕書監

御史中丞○

臣祖庚

按秦官漢置兩丞一曰御史丞一

曰中丞成哀間更中丞為御史長史出外為臺主光武時復曰中丞魏初改為宮正復曰臺主尋又改為中丞宋齊以來因之

謁者僕射○

臣祖庚

按應劭曰秦官也古重武事故設

主射以督之

謁者○

臣祖庚

按晉百官表注云漢皆用孝廉年五十

威容嚴恪能儆贊者為之又云謁者十人掌捧詔書

朝會則贊儼

左右二衛將軍○

臣祖庚

按漢文帝始用宋昌為衛將

軍魏置中衛將軍武帝分中衛為左右衛皆掌宿衛

營兵

驍騎將軍○

臣祖庚

按杜佑曰漢有驍騎將軍謂之雜

號將軍後漢建武初改屯衛為驍騎魏晉以來多有

改易此蓋仍漢制也

羽林監○ 臣祖庚按漢武帝太初元年置名曰建章營

騎後更名羽林顏師古曰如羽之疾如林之多

丹陽尹○ 臣祖庚按周官之內史也掌治京師漢武帝

更名京兆尹後漢置河南尹晉太興元年改丹陽內

史為尹此因之

太子太傅少傅○ 臣祖庚按漢書百官公卿表曰古官

也漢官解詁曰位次太師賈誼曰昔周成王以周公

為太傅召公為太保呂望為太師又立三少皆上大

夫與太子居處又續漢書百官志曰太子少傅秩二

千石亦以輔導為職

太子家令○ 臣宗萬按通典曰秦官屬詹事漢因之續

漢書百官志曰職如司農

太子僕○ 臣宗萬按通典曰秦官漢因之後漢屬少傅

職如太僕

太子洗馬○ 臣宗萬按通典曰秦官漢亦曰洗馬後漢

員十六人職比謁者晉有八人擬祕書郎齊置一人

漢百官表注云洗馬前驅也

州牧刺史○ 臣祖庚按杜佑曰舜置十二州有牧夏為

九州牧殷周八命曰牧漢元封元年置部刺史成帝

時以爲刺史位下大夫乃更爲州牧秩真二千石位  
次九卿後復爲刺史據此則州牧刺史一官兩名光  
武不委三府權歸舉刺之吏遂無州牧之名然刺史  
皆領州故曰州牧刺史

郡太守內史○

臣祖庚

按杜佑曰秦滅諸侯以其地爲


郡置守漢景帝中元二年更名太守漢置郡爲諸侯  
王國者置內史以掌太守之任

縣令相○


臣祖庚

按杜佑曰周官有縣正各掌其縣之

政令而賞罰之漢制凡縣萬戶以上爲令減萬戶爲  
長侯國爲相



南齊書卷十六考證



南齊書卷十七

梁

蕭

子

顯

撰

志第九

輿服

昔三皇乘祇車出谷口夏氏以奚仲為車正殷有瑞車  
山車垂句是也周禮匠人為輿以象天地漢武天漢四  
年朝諸侯甘泉宮定輿服制班於天下光武建武十三  
年得公孫述葆車輿輦始具蔡邕創立此志馬彪勒成  
漢典晉摯虞治禮亦議五輅制度江左之始車服多闕  
但有金戎省克庭之儀太興中太子臨學無高蓋車元

帝詔乘安車元明時屬車唯九乘永和石虎死後舊  
工人奔叛歸國稍造車輿太元中苻堅敗後又得偽車  
輦於是屬車增為十二乘義熙中宋武平關洛得姚興  
偽車輦宋大明改修輦輅妙盡時華始備偽氏復設克  
庭之制永明中更增藻飾盛於前矣案周禮以檢漢志  
名器不同晉宋改革稍與世異今記時事而已

玉輅

漢金根也

漆畫輪

金塗縱容後路受福輓

兩廂上望板前優遊

緣通

金塗鏤鏤碧絞劉鑿鏤金薄帖兩廂外織成衣兩廂裏  
上施金塗鏤面釘瑇瑁帖望板上金薄帖金博山登  
仙紐松精優遊上和鸞鳥立花跌銜鈴銀帶瑇瑁筒瓦  
金塗鏤鏤刀格織成手匡金花細錦衣優遊下隱膝裏  
施金塗鏤面釘織成衣優遊橫前施瑇瑁帖金塗花釘  
優遊前金塗倒龍後梢鑿銀瑇瑁龜甲金塗花杏望板

金塗受福望龍諸校飾

龍汗板

在車前銀帶花獸金塗受福緣裏邊鏤鏤瑇瑁

織成衣裏金塗鏤面花釘外金塗

斗蓋

金塗鏤鏤二十瓜支子花黃

博山辟邪虎鳳皇銜花諸校飾

錦斗衣復碧絹染布緣油頂絳系絡織成顏毛楮舌孔  
雀毛復錦綠絞隨陰懸珠蚌佩金塗鈴雲朱結仙人綬

雜色真一轅漆畫車衡

銀花帶銜上金塗博山四和鸞鳥立花跌銜鈴所謂鸞鳥立衡

也又龍首銜軛又髦插翟尾上

旂十二旒

畫升龍竿首金塗龍銜火

下花杏絳綠系的望繩八枚

漆案立牀

在車中錦復黃絞為案立

五輅江左相承駕四馬左右駢為六施絳系游御繩其

重轂貳轄飛絡幡

用赤油金有紫真眊

左纛

置左駢馬軛上

金鍍

金加冠狀如三

華汗在方鈿

鐵廣數寸有三孔插翟尾其中

繁纓

金塗紫皮紫真鍍錫

乾隆四年校刊

御覽卷十七

輿服志

七

刻金為馬面當顛皆如古制世祖永明初加玉輅為重蓋又作麒麟頭采畫以馬首戴之竟陵王子良啓曰臣聞車旗有章載自前史器必依禮服無舛法凡蓋員象天軫方法地上無二天之儀下設兩蓋之飾求之志錄恐為乖衷又假為麟首加乎馬頭事不師古鮮或可施建武中明帝乃省重蓋等

金輅制度校飾如玉輅而稍減少亦以金塗

象輅如金輅而制飾又減

木輅制飾如象輅而尤減

革輅如大輅而尤減建大麾赤旗也首施大篋幡

宋昇明三年錫齊王大輅戎輅各一乘黃五輅無大輅戎輅左丞王遂之議大輅殷之祭車故不登周輅之名而明堂位云大輅殷輅也注云大輅木輅也月令中央土乘大輅注云殷輅也禮器大輅繁纓一就注云大輅殷之祭天車也周禮五路玉路金路象路革路木路則周之木路殷之大輅也周革路建大白以卽戎此則戎輅也意謂國之大事在祀與戎故錫以殷祭天之車與周之卽戎之路祀則以殷戎必以周者明郊天義遠建前代之禮卽戎事近故以今世之制明堂位云魯君孟春乘大路載十有二旒日月之章祀於帝郊天必以大

輅以錫諸侯良有以也今木路卽大路也太尉左長史  
王儉議宜用金輅九旒時乘黃無副借用五輅大朝臨  
軒權列三輅

王金輅建碧旂象木輅建赤旂永明初太子步兵校尉  
伏曼容議以爲齊德尚青五路五牛及五色幡旗竝宜  
以先青爲次軍容戎事之所乘犧牲繭握之所薦竝宜  
悉依尚色三代服色以姓音爲尚漢不識音故還尚其  
行運之色今旣無善律則大齊所尚亦宜依漢道若有  
善吹律者便應還取姓尚太子僕周顥議三代姓音古  
無前記載音配尚起自曼容則是曼容善識姓聲不復

旁假吹律何故能識遠代之宮商而更述皇朝之律呂  
而云當今無知吹律以定所尚宜附漢以從闕邪皇朝  
本以行運爲所尚非闕不定於音氏如此設有善律之  
知音不宜遵聲以爲尚散騎常侍劉朗之等十五人竝  
議駁之事不行

皇太子象輅

校飾如御旂  
九旒降龍

皇太后皇后重翟車

金塗校具白地人馬錦帖廂隱膝  
後戶白牙的帖金塗面釘漆畫輪

鐵鑄金塗縱容後路輶師子轄抗檐皆施金塗螭頭及  
神龍雀等諸飾軛衡上施金博山又有金塗長角巴首

蓋

金塗瓜支子花二十八青油俠碧絹黃絞蓋漆布碧  
裏紫顏芎黃絞紫絞隨陰碧毛外上施絳紫系絡

旂九旒棨戟宋元嘉東宮儀記云中宮僕御重翟金根

車未詳得稱為金根也

皇太子妃厭翟車

如重翟飾微減

指南車

四周廂上施屋指南人衣裙襦天衣在廂中上四角皆施龍子于縣雜色真孔雀毘烏布阜複

幔漆畫輪駕牛皆銅校飾

記里鼓車

制如指南上施華蓋子縑衣漆畫鼓機皆在內

輦車

如犢車竹蓬廂外鑿金薄碧紗衣織成苧錦衣廂裏及仰項隱膝後戶金塗鏤面瑋瑋帖金塗松

精登仙花紐綠四綠四望紗萌子上下前後眉鏤鏤銀枕長角龍白牙蘭瑋瑋金塗校飾漆鄣塵板在蘭前金

銀花獸攫天龍師子鏤面榆花細指子摩尼炎金龍虎扶轆銀口帶龍板頭龍轆輓上金鳳皇鈴瓌銀口帶星

後稍瑋瑋帖金塗香杏銀星花獸慢竿杖金塗龍牽縱橫長襴背花香染兆床副自輦以下二官御車皆綠油

其公主則碧油幢云

司馬法曰夏后氏輦曰金車殷

曰胡奴車周曰轎車皆輦也漢書叔孫通傳云皇帝輦

出房成帝輦過後宮此朝宴竝用也輿服志云輦車具

金銀丹青采贖雕畫蒲陶之文乘人以行信陽侯陰就

見井丹左右人進輦是為臣下亦得乘之晉武帝給安

平獻王孚雲母輦晉中朝又有香衣輦江左唯御所乘

卧輦

校飾如坐輦不甚服用

漆畫輪車

金塗校飾如輦微有減降金塗鏤縱容後輓師子副也

御為羣公舉哀

臨哭所乘皇后太子妃亦乘之

漆畫牽車

小形如輿車金塗縱容後路師子輓鐵鏤錦衣廂裏隱膝後牙蘭轆枕梢櫛竿戍棟梁

皆金塗校飾

御及皇太子所乘即古之羊車也晉泰始中中

護軍羊琇乘羊車為司隸校尉劉毅所奏武帝詔曰羊車雖無制非素者所服免官衛玠傳云總角乘羊車市人聚觀今不駕羊猶呼牽此車者為羊車云

輿車 形如輅車漆畫金校飾錦衣兩廂後戶隱膝牙蘭皆瑋瑁帖刀格鏤面花釘櫨竿戍校棟梁下施八榻金塗杏兆 一曰小輿小行幸乘之皇太子亦得於宮內乘之

衣畫十二乘 檜榆轂輪箕子壁綠油衣廂外綠紗萌油幢絡通櫨竿刺代棟梁楸櫨真形龍牽支子花轅後伏神抗承泥杏金塗校具 古副車之象也今亦曰五時副車青萌車是謂揜幔車

油絡畫安車公主王妃三公特進夫人所乘漢制皇后

貴人紫罽輅車晉皇后乘雲母油畫安車駕六以兩轅安車駕五為副公主畫安車駕六以兩轅安車駕三為副公主畫安車駕三三夫人青交絡安車駕三皆以紫絳罽輅車駕三為副九嬪世婦輅車駕二王公妃特進夫人阜交絡為副漢賤輅車而貴輅車晉賤輅輅而貴輅車皆行禮所乘

黃屋車建碧旂九旒 九旒鸞輅也漢輿服志云金根車蓋黃繒為裏謂之黃屋今金玉輅皆以黃地錦唯此車以黃繒皆金塗校具黃 九命上公隱隨陰青毛羽二十八瓜支子花絳系絡 所乘

青蓋安車朱輅漆班輪駕一左右駢通櫨車為副諸王

禮行所乘凡車有輻者謂之軒阜蓋安車朱輻漆班輪  
駕一通幟牛車為副三公禮行所乘

安車黑耳阜蓋馬車朱輻駕一牛車為副國公列侯禮  
行所乘

馬車駕一九卿領護二衛驍游四軍五校從郊陵所乘  
晉制三公下至九卿又各安車黑耳一乘公駕三特進

駕二卿駕一復各輻車施黑耳後戶阜輪一乘  
油絡輻車尚書令僕射中書監令尚書侍中常侍中黃

門中書散騎侍郎皆駕一牛朝直所乘晉制尚書令施  
黑耳後戶阜輪僕射中書監令直施後戶阜輪尚書無

後戶皆漆輪轂今猶然

安車赤屏駕一又輻車施後戶為副太子二傅禮行所

乘

四望車通幟油幢絡班漆輪轂亦曰阜輪以加禮貴臣晉武詔給

魏舒陽燧四望小車

三望車制度如四望或謂之夾望亦以加禮貴臣次四望

油幢絡車制似三望而減王公加禮者之為常乘次三望

平乘車竹箕子壁仰檜榆為輪通幟竿刺代棟梁拙樞真形龍牽金塗支子花紐轆頭後梢杳伏神承

泥庶人亦然三公諸王所乘自四望至平乘皆銅校飾

輻輳車四輪飾如金根四角龍首施組銜壁垂五采析羽葆流蘇前後雲氣錯畫帷裳以素為地而繡

南齊書卷十七 輿服志  
七  
勳駕四白駱馬太僕執轡貴臣  
薨亦如之羽飾駕御微有減降

虞書曰予欲觀古人之象日月星辰山龍華蟲作績宗  
彝藻火粉米黼黻絺繡以五采章施於五色天子服備  
日月以下公山龍以下侯伯華蟲以下子男藻火以下  
卿大夫粉米以下天子六冕王后六服著在周官公侯  
以下咸有名則佩玉組綬竝具禮文後代沿革見漢志  
晉服制令其冠十三品見蔡邕獨斷竝不復具詳宋明  
帝太始四年更制五輅議修五冕朝會饗獵各有所服  
事見宋注舊相承三公以下冕七旒青玉珠卿大夫以  
下五旒黑玉珠永明六年太常丞何諲之議案周禮命  
數改三公八旒卿六旒尚書令王儉議依漢三公服二  
龍九章卿華蟲七章從之

平冕黑介幘今謂平天冠皐表朱緣裏廣七寸長尺二  
寸垂珠十二旒以朱組爲纓如其綬色衣皐上絳下裳  
前三幅後四幅衣畫而裳繡爲日月星辰山龍華蟲藻  
火粉米黼黻十二章素帶廣四寸朱裏以朱綠裨飾其  
側要中以朱垂以綠垂三尺中衣以絳緣其領袖赤皮  
鞞絳袴袜赤舄郊廟臨朝所服也漢世冕用白玉珠爲  
旒魏明帝好婦人飾改以珊瑚珠晉初仍舊後乃改江  
左以美玉難得遂用瑋珠世謂之白琰珠

衮衣漢世出陳留襄邑所織宋末用繡及織成建武中  
明帝以織成重乃采畫爲之加飾金銀薄世亦謂爲天  
衣

史臣曰黼黻之設經緯爲用故五色六章十二衣還相  
爲質也歷代龍衮織以成文今體不勝衣變易舊法豈  
致美黻冕之謂乎

通天冠黑介幘金博山顏絳紗袍皂緣中衣乘輿常朝  
所服舊用駮犀簪導東昏改用玉其朝服臣下皆同  
黑介幘單衣無定色乘輿拜陵所服其白帽單衣謂之  
素服以舉哀臨喪

遠游冠太子諸王所冠太子朱纓翠羽綉珠節諸王玄  
纓公侯皆同

平冕各以組爲纓王公八旒衣山龍九章卿七旒衣華  
蟲七章竝助祭所服皆畫皁絳繪爲之

進賢冠諸開國公侯鄉亭侯卿大夫尚書關內侯二千  
石博士中書郎丞郎祕書監丞郎太子中舍人洗馬舍  
人諸府長史卿尹丞下至六百石令長小吏以三梁二  
梁一梁爲差事見晉令

武冠侍臣加貂蟬餘軍校武職黃門散騎太子中庶子  
二率朝散都尉皆冠之唯武騎虎賁服文衣插雉尾於

武冠上

史臣曰應劭漢官釋附蟬及司馬彪志竝不見侍中與常侍有異唯言左右珥貂而已案項氏說云漢侍中蟬刻爲蟬像常侍但爲瑤而不蟬未詳何代所改也法冠廷尉等諸執法者冠之

高山冠謁者冠之

樊噲冠殿門衛士冠之

黑介幘冠文冠平幘冠武冠尚書令僕射尚書納言幘後飾爲異

童子空頂幘施假髻貴賤同服

救日蝕文武官皆免冠著赤介幘對朝服赤幘示威武也

袴褶車駕親戎中外纂嚴所服黑冠帽綴紫標以絡帶代鞶帶中官紫標外官絳標其纂嚴戎服不綴標行留悉同校獵巡幸從官戎服革帶鞶帶文官不纓武官脫冠

袿褊大衣謂之禕衣皇后謁廟所服公主會見大首髻其燕服則施嚴雜寶爲佩瑞袿褊用繡爲衣裳加五色鏤金銀校飾

綬乘輿黃赤綬黃赤縹綠紺五采太子朱綬諸王纁朱

綬皆赤黃縹紺四采妃亦同相國綠縵綬三采綠紫紺  
郡公玄朱侯伯青朱子男素朱皆三采公世子紫侯世  
子青鄉亭關內侯墨綬皆二采郡國太守內史青尚書  
令僕中書監令祕書監皆黑丞皆黃諸府丞亦黃皇后  
與乘輿同赤貴嬪夫人貴人紫王太妃長公主封君亦  
紫綬六宮青綬青白紅郡公侯夫人青綬  
乘輿傳國璽秦璽也晉中原亂沒胡江左初無之北方  
人呼晉家爲白板天子冉閔敗璽還南別有行信等六  
璽皆金爲之亦秦漢之制也皇后金璽太子諸王金璽  
皆龜鈕公侯五等金章公世子金印侯銀印貴嬪夫人

金章公主王太妃封君金印六宮以下公侯太夫人夫  
人銀印其公將軍金章光祿大夫卿尹太子傅諸領護  
將軍中郎將校書郡國太守內史四品五品將軍皆銀  
章尚書令僕中書監令祕書丞太子二率諸府長史卿  
尹丞尉中丞都水使者諸州刺史皆銅印  
三臺五省二品文官皆簪白筆王公五等及武官不簪  
加內侍乃簪

百官執手板尚書令僕尚書手板頭復有白筆以紫皮  
裹之名曰笏漢末仲長統謂百司皆宜執之其肩上紫  
袷囊名曰契囊世呼爲紫荷

佩玉自乘輿以下與晉宋制同建元四年制王公侯卿  
尹珠水精其餘用牙蚌太官宰人服離支依後定

贊曰文物煌煌儀品穆穆分別禮數莫過輿服

漆畫牽車注成棟梁一本成作戈輿車注成校棟梁一  
本成校作戈杖衣畫車注刺代棟梁平乘車注刺代棟  
梁竝疑

南齊書卷十七

南齊書卷十七考證

輿服志五輅○臣宗萬按隋書舊制五輅於轅上起廂

天子與參乘同在廂內何稠曰君臣同所過為相逼  
乃廣為盤輿別構闌楯侍臣立於其中於內復起須  
彌平坐天子獨居其上據此則五輅之制至隋始變  
此猶承古也

皇太子象輅○臣祖庚按此即五輅之一注云旂九旒

降龍蓋以別天子十二旒升龍也第按周禮象輅以  
朝異姓以封而皇太子用之未知何取

皇太后皇后重翟車○臣祖庚按周禮此王后五輅之

一錫面朱總茲則踵事增華去古遠矣

指南車○臣祖庚

按崔豹古今注云黃帝與蚩尤戰大

霧軍士皆迷路帝作指南車以示四方又曰指南車

者周公所作又曰漢末喪亂其法中絕馬鈞悟而作

焉今指南車馬先生之遺法也

記里鼓車注縹衣漆畫○臣承蒼

按字書縹俗紺字顏

氏家訓吳人呼紺為禁故以絲爰作縹代紺字據此

則南監本改縹為縹非是

輦車○臣祖庚

按說文曰輦輓車也六書故曰輦車用

人挽者也六典注曰古謂人牽為輦後漢有乘輿六

輦也

輿車注形如輅車○臣祖庚

按輿即車古無並稱者魏

志太祖給張遼母輿車其名昉此說文曰輅車小車

也晉書輿服志曰一馬曰輅車

四望車亦曰阜輪○臣祖庚

按東宮舊事曰太子納妃

用四望車又輅車釋名曰輅遙也遠也四向遠望之

車也據此則四望車亦輅車之類通典曰三公有勳

德者特加阜輪故志去以加禮貴臣也

平冕今謂平天冠○臣宗萬

按世本曰黃帝作旃冕說

文曰冕大夫以上冠昔者黃帝始用布帛作冕應劭

漢官儀曰周加垂旒天子前後垂真白珠各十二又按冕古無專名通典曰宋更名平天冕卽此冠也

通天冠

○臣祖庚

按劉昭曰通天冠高九寸正豎頂少

邪乃真下爲鐵卷梁前有山屐笏述乘輿所常服也杜佑曰通天冠其狀遺失漢因秦名制之據此則劉昭所云非秦舊制矣此蓋承漢制耳

進賢冠

○臣宗萬

按漢輿服志曰古緇布冠儒者之服

也人主五梁大官令兩梁親省御膳爲重也博士兩梁崇儒也據此則漢時天子亦服之特於梁別崇卑耳魏晉以來爲公卿大夫之服矣

武冠

○臣祖庚

按漢書昌邑王賀短衣大袴冠惠文冠

服虔曰武冠也趙惠文所服故號惠文又武帝賜南單于常侍惠文冠卽此

袴褶

○臣祖庚

按通考曰袴褶魏晉以來以爲車駕親

戎中外戒嚴之服晉志雖有其說而不言其制然旣曰戒嚴之服必戎服也至隋煬帝時詔百官從行服袴褶不便遂令改服戎衣則所謂袴褶者又似非鞍馬征行所便者與戒嚴之說不類唐時以袴褶爲朝見之服韻書訓褶爲袴又爲裕也然袴裳也裕衣之交領也則不知所謂袴褶者一物乎二物乎唐輿服


志羣臣服條內有袷褶大口袴則似是二物然不知所謂袷褶者衣乎裳乎又按宋史輿服志云范質與禮官議袴褶制度先儒無說惟開元雜禮有五品以上用細綾及羅六品以下用小綾之制注褶衣複衣也又令文三品以上紫褶五品以上袷褶七品以上綠褶九品以上碧褶並大口袴今請造袴褶如令文之制奏可又按說文曰袴脛衣也釋名曰褶襲也覆上之言也據此則袴褶自是兩物意晉制不傳齊去晉未遠猶不失其法隋特仍其名所以不便于從行唐蓋因隋制以爲朝服其晉之創制則爲戎服無疑

漆畫牽車注○


臣承蒼

按以下四十五字大抵是史館

校讐者所記宋書北魏書皆有之宋嘉祐中以七史訛闕尤甚特命館職讐校其梁齊陳三書皆屬之曾鞏此豈卽鞏之筆歟



南齊書卷十七考證



南齊書卷十八

梁 蕭 子 顯 撰

志第十

祥瑞

天符瑞命遐哉邈矣靈篇祕圖固以蘊金匱而充石室  
炳契决陳緯候者方策未書啓覺天人之期扶獎帝王  
之運三五聖業神明大寶二謀協贊罔不由茲夫流火  
赤雀實紀周祚雕雲素靈發祥漢氏光武中興皇符爲  
盛魏膺當塗之讖晉有石瑞之文史筆所詳亦唯舊矣  
齊氏受命事殷前典黃門郎蘇侃撰聖皇瑞應記永明

乾隆四年校刊

南齊書卷十八

祥瑞志

十一

中庾溫撰瑞應圖其餘衆品史注所載今詳錄去取以爲志云

老子河洛讖曰年歷七七水滅緒風雲俱起龍麟舉宋水德王義熙十四年元熙二年永初三年景平一年元嘉三十年孝建三年大明八年永光一年泰始七年泰豫元年元徽四年昇明三年凡七十七年故曰七七也易曰雲從龍風從虎關尹云龍不知其乘風雲而上天也

讖又曰肅草成道德懷書備出身形法治吳出南京上卽姓諱也南京南徐州治京口也

讖又曰壇場河梁塞龍淵消除水災泄山川壇場河梁爲路也路卽道也淵塞者譬路成也卽太祖諱也消水災言除宋氏患難也

讖又曰上參南斗第一星下立草屋爲紫庭神龍之岡梧桐生鳳鳥舒翼翔且鳴南斗第一星吳分也草屋蕭字也又簫管之器像鳳鳥翼也

讖又曰簫爲二士天下大樂二士主字也

讖又曰天子何在草中宿宿肅也

尚書中候儀明篇曰仁人傑出握表之象曰角姓合音之于蘇俚云蕭角姓也又八音之器有簫管也

史臣曰案晉光祿大夫何禎解音之于爲曹字謂魏氏也王隱晉書云卯金音于亦爲魏也候書章句本無銓序二家所稱既有前釋未詳俚言爲何推據

孝經鉤命決曰誰者起視名將君者羣也理物爲雄優劣相次以期興將太祖小諱也征西將軍蕭思話見之曰此我家諱也

王子年歌曰金刀治世後遂苦帝王昏亂天神怒災異屢見戒人主三分二叛失州土三王九江一在吳餘悉稚小早少孤一國二主天所驅金刀劉也三分二叛宋明帝世也三王九江者孝武於九江興晉安王子勛雖

不終亦稱大號後世祖又於九江基霸迹此三王也一在吳謂齊氏桑梓亦寄治南吳也一國二主謂太祖符運潛興爲宋氏驅除寇難

歌又曰三禾摻摻林茂孳金刀利刃齊刈之刈剪也詩云實始翦商

歌又曰欲知其姓草肅肅穀中最細低頭熟鱗身甲體永興福穀道熟成又諱也太祖體有龍鱗斑駁成文始謂是黑歷治之甚至而文愈明伏羲亦鱗身也

金雄記曰鑠金作刀在龍里占睡上人相須起又云當復有作肅入草蕭字也易云聖人作之記又云草門可

憐乃當悴建號不成易運沸詩云不時時也不成成也  
建號建元號也易運革命也

識曰周文王受命千五百歲河雒出聖人受命於己未  
至丙子爲十八周旅布六郡東南隅四國安定可久留  
案周滅殷後七百八十年秦四十九年漢四百二十五  
年魏四十五年晉百五十年宋六十一年至建元元年千  
五百九年也武進縣彭山舊塋在焉其山岡阜相屬數  
百里有五色雲氣有龍出焉宋明帝惡之遣相墓工  
高靈文占視靈文先與世祖善還詭荅云不過方伯退  
謂世祖曰貴不可言帝意不已遣人於墓左右校獵以

大鐵釘長五六尺釘墓四維以爲厭勝太祖後改樹表  
柱柱忽龍鳴響震山谷父老咸志之云

會稽剡縣刻石山相傳爲名不知文字所在昇明末縣  
民兒襲祖行獵忽見石上有文凡三處苔生其上字不  
可識刊苔去之大石文曰此齊者黃公之化氣也立石  
文曰黃天星姓蕭字某甲得賢帥天下太平小石文曰  
刻石者誰會稽南山李斯刻秦望之封也

益州齊后山父老相傳其名亦不知所起昇明三年有  
沙門玄暢於山丘立精舍其曰太祖受禪日也

嵩高山昇明三年四月滎陽人尹午於山東南澗見天

兩石墜地石開有璽在其中方三寸其文曰戊丁之人  
與道俱肅然入草應天符又曰皇帝興運午奉璽詣雍  
州刺史蕭赤斧赤斧表獻之

史臣案昔大人見臨洮而銅人鑄臨洮生董卓而銅人  
毀有卓而世亂世亂而卓亡如有似也晉末嵩高山出  
玉璧三十二宋氏以爲受命之祥今此山出璽而水德  
云謝終始之徵亦有領也

元徽四年太祖從南郊望氣者陳安寶見太祖身上黃  
紫氣屬天安寶謂親人王洪範曰我少來未嘗見軍上  
有如此氣也太祖年十七夢乘青龍西行逐日日將薄  
山乃止覺而恐懼家人問占者云至貴之象也蘇偁云  
青木色日暮者宋氏末運也

泰始七年明帝遣前淮南太守孫奉伯往淮陰監元會  
奉伯與太祖同寢夢上乘龍上天於下捉龍脚不得覺  
謂太祖曰兗州當大庇生民弟不見也奉伯卒於宋  
清河崔靈運爲上府叅軍夢天帝謂已曰蕭道成是我  
第十九子我去年已授其天子位自三皇五帝至齊受  
命君凡十九人也

宋泰始中童謠去東城出天子故明帝殺建安王休仁  
蘇偁云後順帝自東城卽位論者謂應之乃是武進縣

上所居東城里也熊襄云上舊鄉有大道相傳云秦始皇所經呼爲天子路後遂爲帝鄉焉案順帝實當援立猶如晉之懷愍亦有徵符齊運旣無巡幸路名或是秦舊疑不能詳

世祖年十三夢舉體生毛髮生至足又夢人指上所踐地曰周文王之田又夢虛空中飛又夢著孔雀羽衣庾溫云雀爵位也又夢鳳皇從天飛下青溪宅齋前兩翅相去十餘丈翼下有紫雲氣及在襄陽夢著桑屐行度太極殿階庾溫云屐者運應木也臣案桑字爲四十而二點世祖年過此卽帝位謂著屐而木行也屐有兩齒

有聲是爲明兩之齒至四十二而行卽真矣及在郢州夢人從天飛下頭插筆來畫上衣兩邊不言而去庾溫釋云畫者山龍華蟲也

世祖宋元嘉十七年六月己未夜生無火婢吹灰而火自燃

世祖於南康郡內作伎有絃無管於是空中有篋聲調節相應

世祖爲廣興相嶺下積旱水涸不通船上部伍至水忽暴長庾溫云易利涉大川之義也

世祖頓益城城內無水欲鑿引江流試掘井得伏泉九

處皆湧出建元元年四月有司奏延陵令戴景度稱所  
領季子廟舊有涌井二所廟祝列云舊井北忽聞金石  
聲卽掘深三尺得沸泉其東忽有聲錚錚又掘得泉沸  
湧若浪泉中得一根木簡長一尺廣二寸隱起文曰廬  
山道人張陵再拜謁詣起居簡本堅白而字色黃謹案  
瑞應圖浪井不鑿自成王者清靜則仙人主之孔氏世  
錄云叶精帝道孔書明巧當在張陵宋均注云張陵佐  
封禪一云陵仙人也

元徽三年太祖在青溪宅齋前池中忽揚波起浪湧水  
如山有金石響須臾有青龍從池中出左右皆見之

昇明元年青龍見齊郡

建元四年青龍見順陽郡清水縣平泉湖中

永明七年黃龍見曲江縣黃池中一宿二日

中興二年山上雲障四塞頃有玄黃五色如龍長十餘  
丈從西北升天

宋泰始末武進舊塋有獸見一角羊頭龍翼馬足父老  
咸見莫之識也

永明十年鄱陽郡獻一角獸麟首鹿形龍鸞共色瑞應  
圖云天子萬福允集則一角獸至

十一年白象九頭見武昌

史臣日記云升中於天麟鳳至而龜龍格則鳳皇巢乎阿閣麒麟在乎郊藪豈非馴之在庭擾以成畜其為瑞也如此今觀魏晉已來世稱靈物不少而亂多治少史不絕書故知來儀在沼遠非前事見而不至未辨其為祥也

昇明三年三月白虎見歷陽龍亢縣新昌村新昌村嘉名也瑞應圖云王者不暴白虎仁

建元四年三月白虎見安蠻虔化縣  
中興二年二月白虎見東平壽張安樂村

昇明二年騶虞見安東縣五界山師子頭虎身龍脚詩

傳云騶虞義獸白虎黑文不食生物至德則出

昇明三年太祖為齊王白毛龜見東府城池中

建元二年休安陵獲玄龜一頭

永明五年武騎常侍唐潛上青毛神龜一頭

七年六月彭城郡田中獲青毛龜一頭

八年延陵縣前澤畔獲毫龜一枚

八年四月長山縣王惠獲六目龜一頭腹下有萬歡字

并有卦兆

六月建城縣昌城田獲四目龜一頭下有萬齊字

九年五月長山縣獲神龜一頭腹下有異兌卦

中興二年正月邏將潘道蓋於山石穴中獲毛龜一頭  
昇明三年世祖遣人詣宮亭湖廟還福船泊渚有白魚  
雙躍入船

永明五年南豫州刺史建安王子真表獻金色魚一頭  
建元元年八月男子王約獲白雀一頭

九月秣陵縣獲白雀一頭  
二年四月白雀集郢州府館

五月白雀見會稽永興縣

永明元年五月郢州丁坡屯獲白雀一頭  
三年七月安城王暕第獲白雀一頭

九月南郡江陵縣獲白雀一頭

四月七日白雀見臨汝縣

七年六月鹽官縣獲白雀一頭

八年天門臨澧縣獲白雀一頭

九年七月吳郡錢塘縣獲白雀一頭

八月豫州獲白雀一頭

十年五月齊郡獲白雀一頭

建元元年五月白鳥見巴郡

永明四年三月三足鳥巢南安中陶縣庭

八年四月陽羨縣獲白鳥一頭

隆昌元年四月陽羨縣獲白鳥一頭

建元二年江陵縣獲白鼠一頭

永明六年白鼠見芳林園

十年九月義陽郡獲白鼠一頭

永明四年丹陽縣獲白兔一頭

昇明元年六月慶雲見益都

建元元年世祖拜皇太子日有慶雲在日邊

三年華林園醴泉堂東忽有瑞雲周圍十許丈高下與景雲樓平五色藻密光彩映山徘徊良久行轉南行過長船入華池

昇明二年宣城臨成縣於藉山獲紫芝一枝

永明八年三月陽城縣獲紫芝一株

隆昌元年正月襄陽縣獲紫芝一莖

昇明二年四月昌國縣徐萬年門下棠樹連理

九月豫州萬歲澗廣數丈有樹連理隔澗騰枝相通越

壑跨水爲一榦

建元二年九月有司奏上虞縣楓樹連理兩根相去九

尺雙株均聳去地九尺合成一榦

故鄣縣楓樹連理兩株相去七尺大八圍去地一丈仍相合爲樹泯如一木

山陽縣界若邪村有一槻木合爲連理

淮陰縣建業寺梨樹連理

建康縣梨樹耀榱

一本作耀榱

五圍連理六枝

永明元年五月木連理生安成新喻縣又生南梁陳縣  
閏月璿明殿外閣南槐樹連理

八月鹽官縣內樂村木連理

二年七月烏程縣陳文則家槿樹連理

七月新冶縣槐栗二木合生異根連理去地數尺中央

小開上復爲一

三年正月安城縣榆樹二株連理

二月安陽縣梓樹連理

九月旬陽縣之穀山槿樹連理異根雙挺共杪爲一

十二月永寧左郡構木連理

四年二月秣陵縣高天明園中李樹連理生高三尺五  
寸兩枝別生復高三尺合爲一幹

五年正月秣陵縣華僧秀園中四樹連理

六年四月江寧縣北界賴鄉齊平里三成邏門外路東

太常蕭惠基園榎樹二株連理其高相去二尺南大北

小小者傾柯南附合爲一樹枝葉繁茂圓密如蓋

七年江寧縣李樹二株連理兩根相去一丈五尺

八年巴陵郡樹連理四株

南齊書卷十八 祥瑞志

三月武陵白沙戍槻木連理相去五尺俱高三尺東西

二枝合而通柯

十二月柴桑縣陶委天家樹連理

永明五年山陰縣孔廣家園檉樹十二層會稽太守隨

王子隆獻之種芳林園鳳光殿西

九年秣陵縣鬪場里安明寺有古樹衆僧改架屋宇伐  
以爲薪剖樹木裏自然有法大德三字

始興郡本無樺樹調味有闕世祖在郡堂屋後忽生一  
株

昇明二年十月甘露降建康縣

十一月甘露降長山縣

十二月甘露降彭山松樹至九日止

建元元年九月甘露降淮南郡桃石榴二樹有司奏甘

露降新汲縣王安世園樹

永明二年四月甘露降南郡桐樹

四年二月甘露降臨湘縣李樹

三月甘露降南郡桐樹

四月甘露降睢陽縣桃樹

五年四月甘露降荊州府中閣外桐樹

乾隆四年校刊

南齊書卷十八

祥瑞志

七

六年甘露降芳林園故山堂桐樹

九年八月甘露降上定林寺佛堂庭中天如雨遍地如雪其氣芳其味甘耀甘舞風至晡乃止爾後頻降鍾山松樹四十餘日乃止

十月甘露降大安陵樹

中興二年三月甘露降茅山彌漫數里

元徽四年三月醴泉出昌國白鹿山其味甚甘

永明元年正月新蔡郡固始縣獲嘉禾一莖五穗

八月新蔡縣獲嘉禾二莖九穗一莖七穗

十一月固始縣獲嘉禾一莖九穗

二年八月梁郡睢陽縣界野田中獲嘉禾一莖二十三穗

五年九月莒縣獲嘉禾一株

十年六月海陵齊昌縣獲嘉禾一莖六穗

十一年九月睢陽縣田中獲嘉禾一株

昇明二年九月建寧縣建昌村民採藥於萬歲山忽聞澗中有異響得銅鍾一枚長二尺一寸邊有古字

建元元年十月涪陵郡蠻民田健所住巖間常留雲氣有聲響澈若龍吟求之積歲莫有見者去四月二十七日巖數里夜忽有雙光至明往獲古鍾一枚又有一器

名淳于蠶人以爲神物奉祠之

永明四年四月東昌縣山自此歲以來恒發異響去二月十五日有一巖穉落縣民方元泰往視於巖下得古鐘一枚

五年三月豫寧縣長崗山獲神鍾一枚

九年十一月寧蜀廣漢縣田所墾地入尺四寸獲古鍾一枚形高三尺八寸圍四尺七寸縣柄長一尺二寸合高五尺四面各九孔更於陶所瓦閒見有白光窺尋無物自後夜夜輒復有光旣經旬日村民張慶宣瓦作屋又於屋間見光照內外慶宣疑之以告孔休先乃共發

視獲玉璽一鈕璧方八分上有鼻文曰帝真曲阿縣民黃慶宅左有園園東南廣袤四丈每種菜輒鮮異雖加採拔隨復更生夜中恒有白光皎質屬天狀似縣絹私疑非常請師卜候道士傅德占使掘之深三尺獲玉印一鈕文曰長承萬福

永明二年正月冠軍將軍周普孫於石頭北廂將堂見地有異光照城堞往獲玉璽一鈕方七分文曰明立君十一月虜國民齊祥歸入靈丘關聞殷然有聲仰視之見山側有紫氣如雲衆鳥回翔其間祥往氣所獲璽方寸四分獸鈕文曰坤維聖帝永昌送與虜太后師道人

惠度欲獻虜主惠度覩其文竊謂當今衣冠正朔在於齊國遂附道人惠藏送京師因羽林監崔士亮獻之三年七月始興郡民龔玄宣云去年二月忽有一道人乞食因探懷中出篆書集經一卷六紙又表北極一紙又移付羅漢居士一紙云從兜率天宮下使送上天子因失道人所在今年正月玄宣又稱神人授皇帝璽龜形長五寸廣二寸厚二寸五分上有天地字中央蕭字下萬世字

十年蘭陵民齊伯生於六合山獲金璽一鈕文曰年予主世祖治益城得五尺刀一十口永明年歷之數

昇明三年左里村人於宮亭湖得鞞戟二枚傍有古字文遠不可識

泰始中世祖於青溪宅得錢一枚文有北斗七星雙節又有人形帶劔及治益城又得一大錢文曰太平百歲永明七年齊興太守劉元寶治郡城於塹中獲錢百萬形極大以獻臺爲瑞世祖班賜朝臣以下各有差十年齊安郡民王攝掘地得四文大錢一萬二千七百十枚品製如一

建元元年郢州監利縣天井湖水色忽澄清出綿百姓採以爲纊

永明二年護軍府門外桑樹一株竝有蠶絲綿被枝莖  
史臣案漢光武時有野蠶成繭百姓得以成衣服今則  
浮波幕樹其亦此之類乎

永明八年始興郡昌樂村獲白鳩一頭

二年彭澤縣獲白雉十頭

七年鬱林獲白雉一頭

十年青州涇液戍獲白雉一頭

五年望蔡縣獲白鹿一頭

九年臨湘獲白鹿一頭

六年蒲壽縣亮野村獲白驪一頭

七年荊州獲白驪一頭

八年餘干縣獲白驪一頭

九年義陽安昌縣獲白驪一頭

十年司州清激戍獲白驪一頭

十一年廣陵海陵縣獲白驪一頭

七年越州獻白珠自然作思惟佛像長三寸上起禪靈  
寺置刹下

七年吳郡太守江敷於錢塘縣獲蒼玉璧一枚以獻

七年主書朱靈讓於浙江得靈石十人舉乃起在水深  
三尺而浮世祖親投於天淵池試之刻爲佛像

二年順陽丹水縣山下得古鼎一枚  
三年越州南高涼俚人海中網魚獲銅獸一頭銘曰作  
寶鼎齊臣萬年子孫承寶  
贊曰天降地出星見先吉造物百品詳之載述

南齊書卷十八  
祥瑞志黃門郎蘇佀撰聖皇瑞應記○  
事齊太祖最久嘗撰蕭太尉記後陳征伐之功及太  
祖卽位又撰瑞應記一卷上之此特一時獻諛之書  
而蕭子顯因之遂創立祥瑞一志殊屬不經史筆至  
此鄙穢甚矣  
此齊者黃公之化氣也○諸本同  
帝紀黃下有石字  
李斯刻秦望之封也○南史齊高帝紀封作風

南齊書卷十八考證

祥瑞志黃門郎蘇佀撰聖皇瑞應記○  
臣承蒼 按蘇佀

事齊太祖最久嘗撰蕭太尉記後陳征伐之功及太

祖卽位又撰瑞應記一卷上之此特一時獻諛之書

而蕭子顯因之遂創立祥瑞一志殊屬不經史筆至

此鄙穢甚矣


此齊者黃公之化氣也○諸本同  
臣承蒼 按南史齊高

帝紀黃下有石字

李斯刻秦望之封也○南史齊高帝紀封作風

南齊書卷十八考證

南齊書卷十八考證



南齊書卷十九

梁 蕭 子 顯 撰

志第十一

五行

木傳曰東方易經地上之本為觀故木於人威儀容貌也木者春生氣之始農之本也無奪農時使民歲不過三日行什一之稅無貪欲之謀則木氣從如人君失威儀逆木行田獵馳騁不反宮室飲食沈湎不顧禮制出入無度多發繇役以奪民時作為姦詐以奪民財則木失其性矣蓋以工匠之為輪矢者多傷敗故曰木不曲

乾隆四年校刊

南齊書卷十九

五行志

一

直宋泰豫元年京師祇洹寺皂莢樹枯死昇明末忽更生花葉京房易傳曰樹枯冬生不出二年國喪君子亡其占同宋氏禪位  
建元元年朱爵斲華表柱生枝葉  
建元初李子生毛  
二年武陵沅頭都尉治有桑樹方冬生葉京房易傳曰木冬生花天下有喪其占同後二年宮車晏駕  
四年巴州城西古樓脚栢樹數百年忽生花  
永明六年石子岡栢木長二尺四寸廣四寸半化為石時車駕數游幸應本傳木失其性也

永明中大斲一舶無故自沈艚中無水

隆昌元年廬陵王子卿齋屋梁柱際無故出血

建武初始安王遙光治廟截東安寺屋以直廟垣截梁水出如淚

貌傳曰失威儀之制怠慢驕恣謂之狂則不肅矣下不敬則上無威天下既不敬又肆其驕恣肆之則不從夫不敬其君不從其政則陰氣勝故曰厥罰常雨  
永明八年四月己己起陰雨晝或暫晴夜時見星月連雨積霖至十七日乃止

十一年四月辛巳朔去三月戊寅起而其間暫時晴從

四月一日又陰雨晝或見日夜乍見月回復陰雨至七月乃止

永泰元年十二月二十九日雨至永元元年五月二十一日乃晴京房易曰冬雨天下饑春雨有小兵時虜寇雍州餘應本傳

傳曰大雨雪猶庶徵之常雨也然有甚焉雨陰大雨雪者陰之畜積甚也一曰與大水同象曰攻爲雪耳

建元二年閏月己丑雨雪

三年十一月雨雪或陰或晦八十餘日至四年二月乃止

傳曰雷於天地爲長子以其首長萬物與之出入故雷出萬物出雷入萬物入夫雷者人君之象入則除害出則興利雷之微氣以正月出其有聲者以二月出以八月入其餘微者以九月入冬三月雷無出者若是陽不閉陰則出涉危難而害萬物也

建元元年十月壬午夜電光因雷鳴

十月庚戌電光有頃雷鳴久而止

永明五年正月戊申夜西北雷聲

六年十月甲申夜陰細雨始聞雷鳴於西北上

七年正月甲子夜陰雷鳴西南坤宮隆隆一聲而止

八年正月庚戌夜雷起坎宮水門其音隆隆一聲而止  
九年二月丙子西北有電光因聞雷聲隆隆仍續十聲  
而止

十年二月庚戌夜南方有電光因聞雷聲隆隆相續丁  
亥止

十月庚子電雷起西北

十一月丁丑西南有光因聞雷聲隱隱再聲而止西南  
坤宮

十二月甲申陰雨有電光因聞西南及西北上雷鳴頻  
續三聲

丙申夜聞西北上雷頻續二聲

辛亥雷雨

傳曰雨雹君臣之象也陽之氣專爲雹陰之氣專爲霰  
陽專而陰脅之陰盛而陽薄之雹者陰薄陽之象也霰  
者陽脅陰之符也春秋不書霰者猶月蝕也

建元四年五月戊午朔雹

永明元年九月乙丑雹落大如蒜子須臾乃止

十一年四月辛亥雹落大如蒜子須臾滅

貌傳又曰上失節而狂下怠慢而不敬上下失道輕法  
侵制不顧君上因以荐飢貌氣毀故有雞禍一曰水歲

雞多死及爲怪亦是也上下不相信大臣姦宄民爲寇盜故曰厥極惡一曰民多被刑或形貌醜惡風俗狂慢變節易度則爲輕剽奇怪之服故曰時則有服妖

永明中宮內服用射獵錦文爲騎射兵戈之象至建武初虜大爲寇

永明中蕭詵開博風帽後裘之製爲破後帽世祖崩後詵建廢立誅滅諸王

永明末民間制倚勸帽及海陵廢明帝之立勸進之事倚立可待也

建武中帽裘覆頂東昏時以爲裘應在下而今在上不

祥斷之羣下反上之象也

永元中東昏侯自造遊宴之服綴以花采錦繡難得詳也羣小又造四種帽帽因勢爲名一曰山鵲歸林者詩云鵲巢夫人之德東昏寵嬖淫亂故鵲歸其林藪二曰兔子度坑天意言天下將有逐兔之事也三曰反縛黃離嘍黃口小鳥也反縛面縛之應也四曰鳳皇度三橋鳳王者嘉瑞三橋梁玉宅處也

貌傳又曰危亂端見則天地之異生木者青故曰青眚爲惡祥凡貌傷者金沴木木沴金衡氣相通

延興元年海陵王初立文惠太子冢上有物如人長數

史青色直上天有聲如雷  
火南方揚光輝出炎爚爲明者也  
人君向明而治蓋取其象以知人爲分  
讒佞旣遠羣賢在位則爲明而火氣從矣  
人君疑惑棄法律不誅讒邪則讒口行內間骨肉外踈忠臣至殺世子逐功臣以妾爲妻則火失其性  
上災宗廟下災府榭內燻本朝外燻闕觀雖興師衆不能救也

永明三年正月甲夜西北有野火光上生精西北有四  
東北有一竝長七八尺黃赤色  
三月庚午丙夜北面有野火光上生精長六尺戊夜又

有一枚長五尺竝黃赤色

四年正月丁亥夜有火精三處

閏月丁巳夜有火精四所

十二月辛酉夜東南有野火精二枚

五年十二月丙寅夜西北有野火火上生精一枚長三尺黃白色

六年十一月戊申夜西南及北三面有野火火上生精九枚竝長二尺黃赤色

九年二月丙寅甲夜北面有野火火上生精二枚西北又一枚竝長三尺須臾消

永元二年八月宮內火燒西齋璿儀殿及昭陽顯陽等殿北至華林墻西及祕閣北屋三千餘間京房易傳曰君不思路厥妖火燒宮祕閣與春秋宣榭火同天意若曰既無紀綱何用典文爲也

二年冬京師民間相驚云當行火災南岸人家往往於籬間得布火纏者云公家以此禳之

三年正月豫章郡天火燒三千餘家京房易占曰天火下燒民屋是謂亂治殺兵作是年臺軍與義師偏衆相攻於南江諸郡

三年二月乾和殿西廂火燒屋三十間是時西齋既火

帝徙居東齋高宗所住殿也與燒宮占同

傳又曰犯上者不誅則草犯霜而不死或殺不以時事在殺生失柄故曰草妖也一曰草妖者失衆之象也

永元中御刀黃文濟家齋前種昌蒲忽生花光影照壁成五采其兒見之餘人不見也少時文濟被殺

劉歆視傳有羽蟲之孽謂雞禍也班固案易雞屬巽今以羽蟲之孽類是也依歆說附視傳云

建武二年有大鳥集建安形如水犢子其年郡大水

三年大鳥集東陽郡太守沈約表云鳥身備五采赤色居多案樂緯叶圖徵云焦明鳥質赤至則水之感也

永明二年四月烏巢內殿東鴟尾  
三年大鳥集會稽上虞其年縣大水  
傳曰維水沴火又曰赤青赤祥  
建武四年王晏子德元所居帷屏無故有血灑之少日  
而散晏尋被誅  
思心傳曰心者土之象也思心不睿其過在瞽亂失紀  
風於陽則爲陰於陰則爲大臣之象專恣而氣盛故罰  
常風心爲五事主猶土爲五行主也一曰陰陽相薄偏  
氣陽多爲風其甚也常風陰氣多者陰而不雨其甚也  
常陰一曰風宵起而晝晦以應常陰同象也

建元元年十一月庚戌風夜暴起雲雷合冥從戌亥上  
來

四年十一月甲寅酉時風起小駛至二更雪落風轉浪  
津

永明四年二月丙寅巳時風迅急

十一月己丑戌時風迅急從西北戌亥上來

五年五月乙酉子時風迅急從西北戌亥上來

七年正月丁卯陽徵陰賊之日時加子風起迅急從北  
方子丑上來暴疾浪津寅時止

八年六月乙酉時加子風起迅急暴疾浪津發屋折木

塵沙從西南未上來因雷雨須臾風微雨止  
九年七月甲寅陽羽廉貞之日時加亥風起迅急從東  
方來暴疾彭勃浪津至乙卯陰賊時漸微名羽動羽  
九月乙丑時加未雷驟雨風起迅急暴疾浪津從西北  
戌上來  
十月壬辰陽羽姦邪之日時加丑風起從北方子丑上  
來暴疾浪津迅急塵埃五日寅時漸微名羽動宮  
十年正月辛巳陽商寬大之日時加寅風從西北上來  
暴疾浪津迅急揚沙折木酉時止

二月甲辰陽徵姦邪之日時加辰風起迅急從西北亥

上來暴疾彭勃浪津至酉時止

三月丁酉陽徵廉貞之日時加未風從北方子丑上來  
迅急暴疾浪津戌時止

七月庚申陰角貪狼之日時加午風從東北丑上來迅  
急浪津至辛酉巳時漸微

十一年二月庚寅陽角廉貞之日時加亥風從西北亥  
上來迅疾浪津丑時漸微爲角動角

七月甲寅陽羽廉貞之日時加巳風從東北寅上來迅  
疾浪津發屋折木戌夜漸微爲羽動徵己巳陽角寬大  
之日時加未風從戌上來暴疾良久止爲角動商及宮

凡時無專恣疑是陰陽相薄

建武元年三月乙酉未時風起浪津暴急從北方上來  
應本傳督亂

建武二年三年四年每秋七月八月輒大風三吳尤甚  
發屋折木殺人京房占獄吏暴風害人時帝嚴刻

永元元年七月十二日大風京師十圍樹及官府居民  
屋皆拔倒應本傳

傳又曰山之於地君之象也山崩者君權損京陵易處  
世將變也陵轉爲澤貴將爲賤也

建元二年夏廬陵石陽縣長溪水衝激山麓崩長六七

丈下得柱千餘口皆十圍長者一丈短者八九尺頭題  
有古文字不可識江淹以問王儉儉云江東不閑隸書  
此秦漢時柱也後年宮車晏駕世變之象也

永明二年秋始興曲江縣山崩壅底溪水成陂京房占  
山崩人主惡之

傳又曰雷電所擊蓋所感也皆思心有尤之所致也  
建元二年閏六月丙戌夜震電

四年五月五日雷電闔都雷震於樂遊安昌殿電火焚  
蕩盡

永明八年四月六日雷震會稽山陰恒山保林寺剎上

四破電火燒塔下佛面窻戶不異也

永明中雷震東宮南門無所傷毀殺食官一人

十一年三月震於東齋棟崩左右密欲治繕竟陵王子良曰此豈可治留之志吾過且旌天之愛我也明年子良薨

傳又曰土氣亂者木金水火亂之

建武二年二月丁巳地震

永元元年七月地日夜十八震

九月十九日地五震

金者西方萬物既成殺氣之始也其於王事兵戎戰伐之道也王者興師動衆建立旗鼓仗旄把鉞以誅殘賊止暴亂殺伐應義則金氣從工冶鑄化革形成器也人君樂侵陵好攻戰貪城邑輕百姓之命人民不安內外騷動則金失其性蓋冶鑄不化水滯固堅故曰金不從革又曰維木沴金

建武四年明帝出舊宮送豫章王第二女綏安主降嬪還上輦輦上金翅無故自折落地

言傳曰言易之道西方曰兌爲口人君過差無度刑法不一歛從其重或有師旅炆陽之節若動衆勞民是言不從人君既失衆政令不從孤陽持治下畏君之重刑

陽氣勝則旱象至故曰厥罰常陽也

建元三年大旱時有虜寇

永明三年大旱明年唐寓之起

建武二年大旱時虜寇方盛皆動衆之應也

言傳曰下旣悲苦君上之行又畏嚴刑而不敢正言則必先發於歌謠歌謠口事也口氣逆則惡言或有怪謠焉

宋泰始旣失彭城江南始傳種消梨先時所無百姓爭欲種植識者曰當有姓蕭而來者十餘年齊受禪

元徽中童謠曰襄陽白銅蹄郎殺荊州兒後沈攸之反

雍州刺史張敬兒襲江陵殺沈攸之子元琰等

永明元年元日有小人發白虎樽旣醉與筆札不知所道直云憶高帝敕原其罪

世祖起青溪舊宮時人反之曰舊宮者窮廢也及上崩後宮人出居之

永明初百姓歌曰白馬向城啼欲得城邊草後句閒云陶郎來白者金色馬者兵事三年妖賊唐寓之起言唐來勞也

世祖起禪靈寺初成百姓縱觀或曰禪者授也靈非美名所授必不得其人後太孫立見廢也

永明中宮內坐起御食之外皆爲客食世祖以客非家人名改呼爲別食時人以爲分別之象少時上晏駕文惠太子在東宮作兩頭纖纖詩後句云磊磊落落玉山崩自此長王宰相相繼薨徂二宮晏駕文惠太子作七言詩後句輒云愁和諦後果有和帝禪位

永明中虜中童謡云黑水流北赤火入齊尋而京師人家忽生火赤於常火熱小微貴賤爭取以治病法以此火炙桃板七炷七日皆差敕禁之不能斷京師有病瘵者以火炙數日而差隣人笑曰病偶自差豈火能爲此

人便覺頤閒癢明日瘦還如故後梁以火德興

文惠太子起東田時人反云後必有癩童果由太孫失位

齊宋以來民間語云擾攘建武上明帝初誅害蕃戚京師危駭

永元元年童謡曰洋洋千里流流嬰東城頭烏馬烏皮袴三更相告訴脚踏不得起誤殺老姥子千里流者江祏也東城遙光也遙光夜舉事垣歷生者烏皮袴褶往奔之跛脚亦遙光老姥子孝字之象徐孝嗣也永元中童謡云野豬雖嗥嗥馬子空閭渠不知龍與虎

飲食江南墟七九六十三廣莫人無餘烏集傳舍頭今  
汝得寬休但看三八後摧折景陽樓識者解云陳顯達  
屬豬崔慧景屬馬非也東昏侯屬豬馬子未詳梁王屬  
龍蕭穎胄屬虎崔慧景攻臺頓廣莫門死時年六十三  
烏集傳舍卽所謂瞻烏爰止於誰之屋三八二十四起  
建元元年至中興二年二十四年也摧折景陽樓亦高  
臺傾之意也言天下將去乃得休息也

齊宋之際民間語云和起言以和顏而爲變起也後和  
帝立

崔慧景圍臺城有一五色幡飛翔在雲中半日乃不見

衆皆驚怪相謂曰幡者事尋當讎覆也數日而慧景敗  
言傳曰言氣傷則民多口舌故有口舌之痢金者白故  
有曰青若有白爲惡祥

宋昇明二年颯風起建康縣南塘里吹帛一匹入雲風  
止下御路紀僧真啓太祖當宋氏禪者其有匹夫居之  
水北方冬藏萬物氣至陰也宗廟祭祀之象死者精神  
放越不反故爲之廟以收其散爲之貌以收其魂神而  
孝子得盡禮焉敬之至則神歆之此則至陰之氣從則  
水氣從溝瀆隨而流去不爲民害矣人君不禱祀簡宗  
廟廢祭祀逆天時則霧水暴出川水逆溢壞邑軼鄉沈

南齊書卷十九 五行志 四  
溺民人故曰水不潤下  
建元二年吳吳興義興三郡大水  
二年夏丹陽吳二郡大水  
四年大水  
永明五年夏吳興義興水雨傷稼  
六年吳興義興二郡大水  
建武二年冬吳晉陵二郡水雨傷稼  
永元元年七月濤入石頭漂殺緣淮居民應本傳荊州  
城內有沙池常漏水蕭穎胄爲長史水乃不漏及穎胄  
亡乃復竭

傳曰極陰氣動故有魚孽魚孽者常寒罰之符也

永明九年鹽官縣石浦有海魚乘潮來水退不得去長  
三十餘丈黑色無鱗未死有聲如牛土人呼爲海鷲取  
其肉食之

永元元年四月有大魚十二頭入會稽上虞江大者近  
二十餘丈小者十餘丈一入山陰稱浦一入永興江皆  
暘岸側百姓取食之

聽傳曰不聰之象見則妖生於耳以類相動故曰有鼓  
妖也一曰聲屬鼓妖

永明元年十一月癸卯夜天東北有聲至戊夜

傳曰皇之不極是謂不建其咎在霧亂失聽故厥咎霧  
思心之咎亦霧天者正萬物之始王者正萬事之始失  
中則害天氣類相動也天者轉於下而運於上雲者起  
於山而彌於天天氣動則其象應故厥罰常陰王者失  
中臣下盛強而蔽君明則雲陰亦衆多而蔽天光也  
建元四年十月丙午日入後土霧勃勃如火煙

永明二年十一月己亥四面土霧入人眼鼻至辛丑止  
二年十一月丙子日出後及日入後四面土霧勃勃如  
火煙

六年十一月庚戌丙夜土霧竟天昏塞濃厚至六日未  
時小開到甲夜後仍濃密勃勃如火煙辛慘入人眼鼻  
八年十月壬申夜土霧竟天濃厚勃勃如火煙氣入人  
眼鼻至九日辰時開除

九年十月丙辰晝夜恒昏霧勃勃如火煙其氣辛慘入  
人眼鼻兼日色赤黃至四日甲夜開除

十年正月辛酉酉初四面土霧勃勃如火煙其氣辛慘  
入人眼鼻

傳曰易曰乾爲馬逆天氣馬多死故曰有馬禍一曰馬  
者兵象也將有寇戎之事故馬爲怪

建武四年王晏出至草市馬驚走鼓步從車而歸十餘

日晏誅

建武中南岸有一蘭馬走逐路上女子女子窘急走入人家牀下避之馬終不置發牀食女子股脚間肉都盡禁司以聞敕殺此馬是後頗有寇賊

京房易傳曰生子二胷以上民謀其主三手以上臣謀其主二口已上國見驚以兵三耳已上是謂多聽國事無定二鼻以上國主久病三足三臂已上天下有兵其類甚多蓋以象占之

永明五年吳興東遷民吳休之家女人雙生二兒胷以下齊以上合

京房易傳曰野獸入邑其邑大虛又曰野獸無故入邑朝廷門及宮府中者邑逆且虛

永明中南海王子罕爲南兖州刺史有麀入廣陵城投井而死又有象至廣陵是後刺史安陸王子敬於鎮被害

建武四年春當郊治園丘宿設已畢夜虎攫傷人建武中有鹿入景皇寢廟皆爲上崩及禪代也凡無占者皆爲不應本傳

贊曰木怪夔魍火爲水妃土實載物金作明威形聲異迹影響同歸皆由象應莫不類推

以漢書同韻皆由參厥莫不證

晉曰木對蕤歌火對木吹土實海得金於即無

香皆為不顯本與

要方中育與不景皇景順古為王康又師分也凡無古

要方四平春當校節

晉

夫而丞又育泉

本即中南戴王于罕為南資州師史育壽人壽刻

博以門文宮神中香身並且

南齊書卷十九 燭人昌其昌大靈又曰樓燭無燭人昌

南齊書卷十九考證

五行志巴州城西古樓脚栢樹數百年忽作花○樹南

監本作柱當從之

衡氣相通○衡諸本作衝

襄陽白銅蹄○蹄南監本作鞮

真與白賊報○報南蓋本考與

南齊書卷十九考證

蓋本非其富發之

正行志四州無西古對與南齊書卷十九考證

南齊書卷十九考證

